


Oskar Garro txirrindulari igorreztarra Espainiako Kopako lider

14. orrialdea

Ubidestroi Trail, hilaren 27an

Maiatzaren 27an jokatu da Ubiden, Ubidestroi Trail, 2.000 metro desnibeldun eta 28 km-ko mendi lasterketearen bigarren edizinoa. Gorbeiko tontorretik pasetan da ibilbidea. Igazko irabazleek, Hassan Aitchauk eta Oihana Azkorbebeitiak emon dabe izena. Arrastian, umeentzako lasterketea eta jai giroa egongo dira herrian. **15. orrialdea**



Iñaki Iturrioz garaile, Diman jokaturako Udabarria Bertsotan-en

16. orrialdea

Gartzen Martinezen erakusketea Igorren

Bagilearen 19ra arte, Gartzen Martinez Sagarna igorreztarren, Herri argia - Baserriko lanetik, gaurko kirolaria argazki erakusketea egongo da Igorreko Kultur Etxeko erakusketa gelan. Herri kirolaren munduagaz lotutako 24 argazki ikusi daitezke bertan.

Argazkietan agertzen diran kirolari horreetako batzuk arratiarrak dira: Aitzol Atutxa, Irati Astondoa, Pabi Astondoa, Tubi Bustinza eta Jon Loiola, esate baterako. Kirolarien mobimentuen momentu berezi bat harrapatu eta persona horren mamia, eta zergaitik egiten dauan egiten dauana, erakusten dabe argazkiok. **8. eta 9. orrialdeak**



Jentilak Diman maiatzaren 27an



Gauean, 22:00etan, kalejireia egingo dabe personaia mitologikoez herri-tik eta ostean, ikuskizuna egongo da pelotalekuan. Hiru antzezlan ardatz eta beste emonaldi asko dituan ikuskizunean, 100 dimoztar inguruk parte hartuko dabe. Tradiziotik harago, mitologia birsortzea eta mundu ikuskera bat erakustea bilatzen dabe antolatzaileek. **10. orrialdea**

ARRATIA, UBIDE, ZEBERIO

Alkategaiak prest maiatzaren 28ko hauteskundeetarako

Hauteskundeen ostean herri batzuetan alkatea aldatuko da, agintean dagoan partiduak ez daualako lortu alkatetza edo, lortuta be, alkategaia ez dalako oingo alkatea. EAJ-PNV, EH Bildu eta Ubideko Herri Kandidaturako alkategaiak nortzuk diran batu doguz. **6. orrialdea**



ARRATIA

Amagoia Villanueva da AUMko Bardintasun Teknikari barria

Amagoia Villanueva Andueza durangarrak hartu dau Batirtze Barreroren lekukoa Arratiako Udalen Mankomunitateko Bardintasun Zerbitzuan. Bere lehenengo helburua, "herri mailako mobimentu feministearen izakerea ezetu eta ikusi zelango artikulazino maila daukan" jakitea dala dino, erakunde eta herritarren artean ildo finkoa sortzeako. **7. orrialdea**



IGORRE

Sukaldari bat berreskuratzeko mobilizazinoak eskolan

Inazio Zubizarreta eskolako jantokian bost sukaldari egon ohi dira, baina apirilaren 16tik aurrera, lau sukaldarigaz dabil beharrean. Guraso alkarteak azaldu dauanez, Eusko Jaurlaritzak ume kopurua araberak jagokien persona baten baliabidea kendu deutse. Hori dala-ta, ume guztientzako kalidadezko jantoki zerbitzua aldarrikatzeko mobilizazinoak egiten dabil Igorreko eskolan.

Holan, Guraso Elkarrekin maiatzeko lehen bariku bietan salatu eban egoera, hilaren 5ean bazkaria kaleratu eginda eta 12an lapikokada zaratatsuagaz. 178 umeren familiak batu ziran lehen eguneko protesta-ra. **5. orrialdea**

ZEURE BERBEA

Zeanuriko EH
Bilduren kezka
frontoiko obrearen
inguruan

EH Bildutik gure kezka adierazo gura dogu Zeanuriko frontoian Udal gobernuak egin gura dauzan obrak dirala-ta. Frontoian konponketak, hobekuntza energetikoak eta gimnasio barri bat egingo dira. Obra honek 1.066.944,92 euroko aurrekontua dauka, proiektua garatzea 69.000 eurotik gora kostau da.

Frontoia handitzeko eta energetikoki hobetzeko pleguak martiaren 21eko plenoan onartu ziran. Gero kontratazino mahaia egin zan baina ez zan inor aurkeztu. Apirilaren 18an larizko plenoa egin zan eskaintzak aurkezteko epea luzatuteko. Maiatzaren 4an kontratazino mahaia egin zan baina barriro be ez zan inor aurkeztu. Maiatzaren 10ean barriro be beste larizko pleno bat egin da, oingoan pleguak barrizteko, plegu honen aldaketa nabarmenena eraikuntza enpresei obra bukaeran aurrekontua handitzeko aukerea emoten jakiera da, obreaken %10a gehienez. Eraikuntza enpresek maiatzaren 24ra arteko epea eukiko dabe euren proposamena aurkeztuteko eta hauteskunde eguna baino 3 egun lehenago egingo da kontratazino mahaia.

Igaz obra hau aurrera eroateko dirulaguntza garrantzitsu bat galdu eban Udalak, proiektua ez ebalako epean aurkeztu. Aldunditik dirulaguntza bat jasota dogun arren (355.000 euro), aurten espero zan beste dirulaguntza bat be ez dogula jasoko jakitun gara (200.000). Horrek obreaken or-

dainketea urte bitan egitea ekarriko dau konpromisozko kreditu baten bidez, beti be gastuak handitzen ez badira (717.000 euro 2023an eta 349.944 euro 2024an). Honek, oindino egin barik dagozan 2024ko aurrekontuetatik, 349.944 euro gastetea suposatuko dau, aurtengorako izan dogun aurrekontuaren %18 bat ia.

Aurrekari honeekaz ondorengo adierazo gura dogu:

Aurrekontuari jagokonez, uste dogu holango obra handiak, urteko aurrekontuaren erdia baino gehiago, herritarraz adostuak izan behar dabela, gitxienez honeek informau egin behar dira. Bestetik, datorren Udalaren osaketea zein izango dan jakin barik ezin da herritarren dirua holan hipotekau.

Proiektuari jagokonez be, gure kezkak adierazo deusaguz Udal gobernuari. Batetik frontoiko taberna gainean egin gura dan gimnasioan ez da aurreikusten igogailurik, proiektu honetan behintzat. Proiektu honetan gure ustez akatsak dagoz eraikigarritasunaren justifikazioan eta Código Técnico SUA deritxanean, irisgarritasun arloari jagokonez. Udal gobernuari proiektua badaezpadan Arkitektoen Kolegioan zigilatze eskatu deusagu baina ez dau interesik agertu.

Honegaitik guztiagaitik, proiektu honeri gure ezezkoa adierazo deusagu hainbat plenotan. Argi itxi gura dogu udal instalazioetan hobekuntza energetikoak egitearen aldekoak garala eta zeanuriztar guztiontzat egokitutako kirol instalazioak gura doguzala, herritar danen irisgarritasuna kontuan hartuko dabenak.

Zeanuriko Udal gobernuari, garrantasunez eta zeanuriztarron diruagaz arduraz jokatzeko eskatzen deusagu.

ZEANURIKO EH BILDU

Zure eretxia agertu gura badozu, Zeure Berbea atala zabalik daukazu. Ez da komenidu 15 lerro baino gehiago idazterik. Izena, telefonoa eta Nortasun Agiriaren zenbakia agertu beharko dira. Laburtu behar izan ezker, BEGITUk eskubidea dauka horretarako. Gutunak hona bidali: begitu@begitu.eus helbidera.

Zirhika

ARTELATZ ETA TXARAKIN

Hitanoagaz hasteko aholkuak (XXV).
Kale berbakunea sustatu guran

ARIKETAK (ERANTZUNAK HURRENGO ZENBAKIAN):

- Jagoten hasi (naz) _____ eta kirolarien armozuak egiten (dodaz) _____ oin.
- Bai ala? Eta ze armozetan (dozu) _____ oin? Txakurren pentsua? Kar, kar, kar.
- Isilik egon (zaitez) _____ zantar hori!!
- Goizetan oin orloa hartzean (dot) _____ esnetan zopak eginda.
- Eta igarten (dozu) _____ ezer?
- Ba esango (deutsut) egun batzuk barru, gaur hasi (naz) _____ eta... kar, kar, kar.

ERETXIA

Gaur
dobakotasuna,
bihar
unibersaltasuna

Zero eta bi adin tartea jasoten daben Arratiako haurreskoletan bete-betean gagoz egunotan maiatzaren 16a bitartean 2023-2024 ikasturterako haurren izen-emote epealdian. Aurten ostera ez da edozelango izen-emotea izango eta ondorioz urrietakoa be ez da ikasturte hasikera arrunta izango. "Barrikuntza" edo "albiste" lez, datorren ikasturtetik aurrera 0-2 tarteko heziketa eta zaintza buztartzen daben haurreskolak dobakoak izango dirala entzungo zenduen askok daborduko nonon.

Nik ostera haurreskoletak hezitzaile lez, aurten 20 urteko ibilbidea beteko dauan zerbitzu publiko baten dobakotasuna gaur arte denporan luzatu izana ezin daiket barrikuntza edo eguneroko albiste soiltzat bizi. Bai ostera urte honeetan guztietan hezitzaile, langileen ordezkari, familia eta gizarteko zati baten aldarrikapen, eskaera, borondate eta burrukearen ondorioz lortutako lorpen moduan. Oindino gehiago esatera ausartuko neinteko: Haurreskolen dobakotasuna, Hezkuntza Sistema Publikoak eta berau jasoten daben estamentuek 0-2 tarteari zor eutsan aitortzearen zorraren kitapen txiki bat baino ez dala be esango neuke.

Aurreko hamabostaldiko BEGITUko eretxi artikuluan, Hezkuntza Lege Proiektu barriari egiten eutsan erreferentzia Adela Perezek. Lege barri horretan jasoten da dobakotasuna. Akaso Lege Proiektu horretan Haurreskolakazko jaso dan aldaketa baikor bakarra. Izan be zoritxarrez oingoan be ez da 0-3 adin tartea, zikloa bere osotasunean, Hezkuntza Sistemaren integretako beharra eta borondatea gauzatu eta Hezkuntza Lege bat nekez izan daiteke balizkoa adin tarte guztiak aintzat hartzean ez badira.



GARAZI URIEN
ORTUZAR
Irakaslea

baldintzak ekarri ditu, interes ekonomiko eta asistenzialismo hutsari protagonismoa emonaz eta arlo pedagogikoa eta familien beharrak mugatuz. Araudi barriak ez deutso beste behin mesederik egingo herri txikietako haurreskolei. Izan be, gogora ekarri gurako neuke haurreskolen sorreran oinarria eta helburua hiru urtetik beherako landa eremuko haur eta familiei kalidadezko hezkuntza eta laguntza "publikoa" eskaintzea eta bermatzea zala, aldi berean familia eta lan bizitzaren arteko bateragarritasuna lortzea bilatzen ebana. Ezarritako baldintzakaz ordea, dobakotasuna bai baina unibersaltasuna ez da bermatu.

Esaten da arbolak ez dirala hostoetatik tiraka hazten eta zutarrak ondo errotuak dituan zugatza nekez eroriko dala. Eretxi bardi-nekoa naz bizitzako beste arlo askotan be eta kasurako umeen heziketa eta zaintzari jagokonez be bai. 0-3a behar bezala zuztatu ezik nekez egon daiteke adinean gorako hazkunde eta hezkuntza osasuntsu eta integral bat. Honegaz ez dot etxeko zaintza eta heziketea baztertzen. Alderantziz, guztiz funtsezkoa dala deritxat. Ez dot sinisten bata bestearengandik alternatiba diranik, biek umea eta umezaroa erdigunean jarrita bata bestearen osogarri baino. Haurreskolak konziliazinoa baino gehiago gara (ez dira hezkuntzako gainerako etapak be konziliazinoa neurri handi baten?). Familia batek bere seme-alabak haurreskolaratzea ebazten dauan orduan ez dau bakarrik lana eta familia buztartu ahal izateko egiten, eta dobakotasunak beragaz ekarri dauan araubideak nire ustez familiak ebatzi bat, zaintza eta heziketa eredu bat edo beste bat hautatzera baldintzatuko ditu.

Dobakotasuna bada zeozor baina 20 urteko ibilbidearen ondoren ez geunke ogi papurrakaz konformau behar. Unibersaltasunerako pausuak emonaz jarraitu beharko dogu aurrerantzean be gogor egunerokoan. Herri txiki honetan 0-3a be bagara eta... izan gaitetzala!

Hori gitxi ez balitz, dobakotasunak umeen izen-emote araudian



LUMATUTEN



CLARA LUJA AZPIRI

Internet eta erraztasunak

Gogoan dozue pentsetan genduanean internetegaz dana errazagoa izango zala? Beharbada zuetako batzuek oindino pentsetan dozue hori, ez dakit. Baina seguru nago ez nazala bakarra internet eta bere "erraztasun" guztiak gorrotatzen hasita dagoana.

Hasteko, gero eta gatxagoa da gura dozunera heltzea, webgune batean edo bestean. Zazpi mila iragarki zarratu behar dozuz lehenik eta behin; askotan kontu bat egin; batzuetan harpidetzea egin eta ordaindu irakurten jarraitu ahal izateko... Egunkari klasikoak, barriz, egunkaria erosi, zabaldu eta irakurri ahal dozu, beste barik.

Interneta zailtzen dauan beste elementu bat pasahitzak dira. Begira, ulertzen dot beharrezkoak dirala eta leku guztietan bardina ipintek hackeatzea errazten dauala, baina... suposatzen da gogoratu behar doguzala, ez dakit, 30 pasahitz desbar-

din? Eta ez badozu gogoratzen webgune konkretu horretan erabili zenduana, orduan ezin zara sartu eta ezin dozu informazioa ikusi. Edo eskatzen deutsazu berreskuratzea eta gogoratuko ez dozun beste pasahitz bat ipinten dozu. Bai, batzuetan *post-it* baten idatzi ahal dozu, baina gero, izango dogu akorduan non itxi dogun *post-ita*?

Eta zer esan zerbitzuei buruz.

Saiatzen zara izapidereen bat egiten eta beti agertzen da erroreren bat. Pasahitza ez da zuzena. Posta elektronikoko helbidea ez da existiduten. DNI elektronikoko bat behar dozu tramitea egiten hasteko, baina hori ez badakazu sms bat bidaliko deutsugu. Sms-a ez da ailegetan. Telefonoa erabiltzen saiatzen zara. Telefonoko makinak ezetuten ez dozun hamabi zenbaki eta letra kodea sartzeako eskatzen deutsu. Ilarak gorde behar ziran garaietako nostalgia sentitzen dozu, hori bai zalako erraza!

Hau lar izango da, akaso. Bretxa digitalaren alde okerrean gagozanon kexak. Zerbitzu mota guztiek ditue arazoak eta beti egongo da kexatzeko errazoi- ren bat edo beste. Baina azken urteotan... Pasahitz eta internet gune kontuetan itoten gabizan sensazioa izatea gertatu daiteke, eta nik gitxienez internet bako aukera guztiak hartzean segiduko dot. Nahiz eta erraza ez izan.

ZERTZEAN



ALVARO RABELLI

Atzen jubilaua

Teresa, gure eskolako bedela, erretretara pasau barri da. Atzen hogeita bost urteak leku berean lan eginda erretiroa hartu dau. Hartu ez, emon egin deutsie, eta hori gaur egun ez da gitxi. Horregaitik ospatu dogu, ez personaren lan-bizitza amaitzea atsegina dalako, baizik eta, seguru asko, gure eskolakoen artean Teresa izango dalako pensino publikoa gozatuko dauan atzena. Guri, gainontzeko, oindino urte mordoa geratzen jaku erretiroa hartu ahal izateko, eta badakigu jakin, jubilau gura ezkerro, geure boltsikotik ipini beharko doguna, lan egiten badogu gainera. Neuk behintzat, neure burua ikusten dot hirurogeita hamabost urtegez lanean, esaterako oindino gure artean ez dogun Euskal Erotismoaren Museoa sarrerak saltzean, bospasei hizkuntzetan bisita-gidatuak egiten eta Viagragaz trafiketan. Holan balitz, ez legoke hain txarto, baina duda egiten dot, horregaitik behar lez ospatu dogu Teresarena.

Harora joan gara bazkaltzen, San Agustin hotel entzutetsura. Berau komentua izan zan, kuartela, espetxea eta ospitalea gero. Seguru asko, halango sasoietan inork ez eban bertara borondatez joan gura izango, gaur ordea, dotore antzeko ostatu danean, lau izarrekoa, jenteak polito ordaintzen dau bertara joatearren. Klaustro ederra dauka, baina ohi lez, ikutu modernoa emon gura deutsan apainketa guztiz txabakanoa da, gustu txarrekoa nire irudiko. Edozelan be, leku ona halangoak ospatzeko edota Errioxako ardogileakaz batera enpresa bazkaria egiteko.

Danok joan gara, Juan izan ezik. Juanek Jaungoinkoaren kausari eskaini deuto bizitza, horregaitik emakumeez inguratuta desosegatzen da, bere baloreen etsaitzat daukaz, eta horregaitik be, gauero, tutu arrosaz jantzirik bere burua zintzilikatzen dau argiaren kabletik hortz artean laranja azal zati bat gogor estutzen dauan bitartean.

Bazkaria ez da txarto egon, batez be postreagaz hartu dogun Zacapa rona. Bazkalostean etorri dira Gaztelako jotak, Portugaleko fadoak eta Salamancako tunaren kantak. Danak gelditu dira guri begira, mutilok zer kantauko. Isilik lotu gara. Orduan Blasek festa apurtu dau: gogora ekarri deusku Defcon2 talde galiziarren letra bat: "tuno bueno, tuno muerto". Isilunea zabaldu da klaustroan. Nire begiek, bien bitartean, Taniaren eskotera eta harriz estalitako ate zahar batera jo dabe. Eta imajinetan hasi naz atearen eta Taniaren eskotearen bestaldean zer ostenduten dan, komentu zaharreko upategia? Letrinak? Suetea? Ala oihal baltz finaz bildutako haragi goxoa akaso? Baita be, zergaitik halango lekuak estaltzen ete diran ibili naz gogoetatzen. Teresari mosua emonda ospa egin dot bertatik. Herrira etorri naz tren maketen moduluak ikusten. Bertan, atzera be, alkartu naz beste jubilau batzukaz, maketa egileakaz, eta pentsau dot hori be ezin izango dodala egin, ze jubilatzen nazanean, holango afiziorako ez dot sekula diru nahikorik eukiko.

Tarte hau zeuretzako be dago zabalik, holango sormen-lanak BEGITU argitaratu gura izan ezkerro, eskatu egiguzuz argitaratzeko baldintzak begitu@topagunea.com helbidean.

BEGI TXINDORRA

Akaso sasoi bateko jenteak sasoiaren sasoiak jaten gendualako izango da, baina badagoz udabarriko jateko batzuk, ez bakarrik umetan, oin be ilusinoia egiten deustenenak: antxoak, mailukiak eta idarrak, batez be.

Gaur egun, idarrak urte osoan izoztuta erosi daitekezan arren, freskoak udabarriko lujoa dira. Argi dago jateko horreek, poza ez deustela neuri bakarrik sortzean; eta horregaitik, produktuaren inguruko jaia ospatzen dabe herri batzuetan. Ondarroan, Antxoa Eguna, udabarriro.

Maiatzaren 13an izan da aurten. Turrinak hiru aldiz joz hasi zan jaia eta antxoak pla-pla, antxoa pudinga, antxoa enpanadillak, antxoatortilla, antxoa kroketak eta antxoa tenpura jateko aukerea egon zan. Aduarra dariola nago, zerrenda hutsagaz.

Eta nago pentsetan, hemen, Arratian, zergaitik ez ete dan egiten Idar Eguna. Produktua, kultura eta gastronomia batzeako modu gozoa litzateke. Herriko jenteak, kuadrillek eta alkarteek, idarrak modu askotan prestatu eta danok jateko jaia.

Komentetearren.





Lorategien Diseinu eta Gauzatzea
Ureztaketa instalazioa
Mantenua eta Inausketa

LORAZAINTZA

Bidosola Industrialdea E2 Pab. 48.142 Artea
Tel: 94 673 96 34 Faxa: 94 673 96 88
gorosti@gorostisl.com



★ BEER & EDARIAK
Guillermo 659 48 28 39

Fernando 699 29 67 17	Arkalitz 677 46 40 91
Eduardo 647 72 96 24	Golder 666 58 20 06


Pozueta poligonoa, 10 LEMOA • beeredariak@gmail.com



Ortodontzia
Implanteak
Estetika

Marina Urigoitia Aldekoa
Odontologoa

Bidebarri 1. behea
48140 Igome-Bidakoa
T. 94 631 50 39
Idazgaitza Zentrua: 901
R.P.S. 31/06



IGORRE

"Kolorez jantzi dagigun Igorre" lemapean, azoka solidarioa eta auzolana egingo dabez eskolan

Erredakzinoa

Maiatzaren 19an, barikuan, arrastiko 16:30etik aurrera, Inazio Zubizarreta Eskolako Hezkuntza Komunitateak; hau da, IGEk, ikaslegoak eta Hezkuntza taldeak, Azoka solidarioa egingo dau eskolako patioan. Auzolanean hainbat gela margoztuteko deia be egin dabe antolatzaileek.

Igorreko eskolako 6. mailako bertsolariek emongo deutsie hasikerea, jaia eta lana batzean dauan ekitaldiari. Azokan, eskolan batutako bigarren eskuko gauzak eta gelan, Plastika saioetan egingako gauzak egongo dira salgai. Horrezaz gainera, ulea apainduteko eta atzazalak eta arpegia margozteko aukerea izango dabe txikienek, donazino txiki baten truke. Igorreko merkatarien alkartearen laguntza be izango dabe esko-

lakoek. "Edizino honetan, AMEgaz hartu-emonetan ipini gara eta merkatariei ahal daben neurrian parte hartzeako eskatu jakie. Bil-dutako produktuak saltzean ipi-niko doguz edo arrasti horretan zozketatuko dogun otzararen ba-ten". Meriendetako, antolatzaileek egindako bizkotxoak, tartak eta gailetak egongo dira salgai.

Azoka solidarioan bildutako di-rua Ongi Etorri Errefuxiatuak pla-taformearantz izango da.

Auzolana

Adin tarte desbardineta jentearen artean, auzolanean, Igorreko es-kolako Haur Hezkuntzako sarrerea eta 3 urtekoen gelak margoztuko dabez. Lan horreek egiteko, erropa zaharra eroatea gomendatzen dabe antolatzaileek. Umeek be parte hartu ahal dabe margozte lanetan, nagusi baten ardurapean.

DIMA

Bagilaren 2 eta 3an bere eguna ospatuko dau Dimestenek

Erredakzinoa

Dimesten herri hezitzailearen eguna ospatuko dabe bagilaren 2an eta 3an, bariku arrastian hasi eta zapatu osoan. Beste ekintza akoren artean, jantzak, kantuak, bertsoak eta ikuskizunak egongo dira. Kontzertuak eta erromeria be ez dira faltauko. Zapatuan, lorak landatu eta artoa be garanduko dabe hurreratzen diranek.

Oin arte, jarduera ugari antolatu arren, Dimesten eguna ospatuten dan lehenengo urtea da. Dimes-ten, herri hezitzailearen filosofian oinarritutako herri proiektua da eta hiru zutabe ditu: eskolea, Udala eta alkar-te edota herritar-ak. Talde motor edo eragile bat dago eta zabalik dago herritar guztiei.

Dimesten egunaren helburua da "herriko alkar-teakaz eta da-non artean (Ni-tik gu-ra) egun bat antolatzea, alkarlanean eta parte-hartzean oinarrituta eta herri hezitzailearen printzipioak kon-tuan hartuta" dinoe antolatzaileek. Herri hezitzailearen printzipioak hurrengoak dira: euskerearen era-bileratik abiatuta, euskeratik eta

euskeraz, eta umeen kultura aitor-tuz, aisialdi hezitzailea sustatutea; parte hartzeako eta ebazteko ahal-mena emotea; herritar zaugarriak erdigunean ipintea; feminismotik abiatuta, aniztasunean, parekide izatea; alkarlanean, herriko komu-nidade sarea eta auzolana susta-tutea; bertoko kutura transmitidu-tea eta ingurumen naturala jagon eta errespetetea.

Egitaraua

Bagilak 2, barikua

17:00etan, sareak.
18:30ean, pelotakadak.
20:00etan, konzentrazinoa.
20:30ean, jantza kolektiboa.
21:00etan, kantu poteoa, pintxo potea eta umeentzako afaria.
22:30ean, bideoa: Pantailak Eus-karaz eta argazki kolektiboa.
23:00etan, kontzertua.

Bagilak 3, zapatua

11:00etan, pastoralak.
12:30ean, lorak landatu.
13:30ean, artoa garandu eta lokotzak.
14:30ean, bertso-bazkaria Jon Maia eta Aitor Sarriegigaz.
18:00etan, erromeria.

IGORRE

Sukaldaria berreskuratzeko mobilizazinoetan dago Igorreko eskolea

Erredakzinoa

Igorreko eskolan, aprilaren 16tik dagoz sukaldari bat gitxiagogaz. Guraso alkar-teak azaldu dauanez, Eusko Jaur-laritzak ume kopuru-a ren arabera jagokien persona baten baliabidea kendu deutse. Hori dala-ta, ume guztientzako kalidadezko jantoki zerbitzua aldarrikatzeko mobilizazinoetan hasi dira Igorreko eskolan.

Aprilaren 16ra arte, 5 sukaldari egozan beharrean eskolako sue-tean, baina harrezkero lau bai-no ez dagoz, eta ezin dira ume guztientzako menuak prestatu eskolan. Sukaldaria berreskura-tzeko asmotan, eskolea Eusko Jaur-laritzako Hezkuntza Sailagaz ipini zan hartu-emonetan, eta es-kolako zuzendaritzearen arabera, jaso eben erantzuna izan zan 15 menu *catering* bidez emoteko.

Urtenbide hori baztertzailea dala eretxita, jatekoaren kalida-dea ez dalako bardina, maia-

tzaren 3an, guraso alkar-tekoak, gurasoak, sukaldariak, eskolako zuzendaritzea eta udal ordezkariak, alkar-tea tartean, batzartu ziran egoerearen barri emoteko eta danon artean adostuteko zer egin. "Umeek 10 urte baino ge-hiago pasetan dabez eskola ho-netan eta askorentzat otordurik garrantzitsuena da" azaldu dabe gurasoek. Horregaitik kalidadezko jantoki zerbitzua funtsezkotzat jo-ten dabe eta sukaldaria berresku-ratzeko mobilizazinoetan hastera ebatzi eben.

Mobilizazinoak

Pankartak eta elkarretaratzeez gainera, beste protesta ekintza batzuk be adostu ditue kaltetuek. Holan, hilaren 5ean, protesta moduan kalean bazkaldu eben 178 eskola-umek, euren fami-lielik eta herriko beste eragile eta erakundeek eta elkarretaratze zaratatsua egin eben maiatzaren 12an, eskolako patioan.



ZEANURI

Gorbeia Aterpean egingo ditue udalekuak ume eta gaztetxo zeanuriztarrek

Erredakzinoa

Oingo udan, Zeanuriko bederatzi eta hamasei urte bitartekoek uda-lekuak Gorbeian igaroteko aukerea izango dabe, Arrabako aterpean hain zuzen be. Txanda bitan anto-latu dira udalekuak. Batetik, 2011 eta 2014 bitartekoak bagilaren 21etik 23ra joango dira. Bestetik, 2007 eta 2010 artekoak, garagarri-laren 10ean heldu eta 14an buel-tauko dira, gau bat gehiago.

Izena emoteko atzen eguna bagilaren 1a izango da, ordainke-tea be egin behar da udaletxean izena emoterakoan. Kasu bietan, hoguei plaza dagoz gehienez eta gitxienez, hamabost bete beharko dira udalekua aurrera eroateko. Umeen kasuan, prezioa ehun

eurokoa da eta gaztetxoena, berrehun eurokoa. Izen-emotea eginda dagoanean, batzar bate-rako deialdia egingo dau Udalak, ekintzak eta plana zehaztuteko.

Udalekuak Gorbeian

Umeen txanda:
2011-2014 bitartean jaiotakoak
Ekainaren 21etik Ekainaren 23ra
Ekainaren 23an oporrak hartu eta bueltatu eta gero
Paganatzen da jateko alkar-teko gela plaza, bueltak 21 arratsan.
20 pertsona izango lekua (gutxienez 15 pertsona)
Prezioa: 100 euro

Gaztetxoan txanda:
2007-2010 bitartean jaiotakoak
Uztailaren 10etik 14ra
Uztailaren 10ean gutxienez 2 pertsona izango
alkar-teko gela plaza, bueltak 14 arratsan.
20 pertsona izango lekua (gutxienez 15 pertsona)
Prezioa: 200 euro

PLANIFIKAZIOA ETA GARATUTAKO DIREN
EKINTZEN BARRI UDAL-ETXEAN ESKURAGARRI
IZENA EMOTeko EPIA: Ekainaren 14 arte zabalik
egongo da. Izena emateko ordaindu beharko da.

ARRATIA, UBIDE, ZEBERIO

Makatzak taldeak Lurraren defentsan egingo dan manifestazinora deitu dau

Maiatzaren 20an izango da, 18:00etan, Gasteizen manifestazino nazionala "Lurraren defentsan, Euskal Herria Bizirik!" lemapean.

Erredakzinoa

Makatzak Arratiako Ekologis- tak taldeak, urtailean egindako makroproiektuen inguruko jar- dunaldiaren harira, Euskal Herri osoko taldeak batu eta mani- festazino nazionala deitu dau, natura babestuko dauan politika eredu bat eskatuteko.

Urtilaren 21ean Igorren jardun- aldia antolatu eben Makatzak- ekoek, Arratian, Bizkaian eta Eus- kal Herrian egiten eta onartzen dabizan makroproiektuen ingu- ruan berba egiteko. Bizkaiko, Ara- bako eta Gipuzkoako alkarteak batu ziran han, eta bakotzak bere inguruko makroproiektuaren ba- rri emon eban. "Sano positiboa izan zan, indarrez bete ginan eta alkarregaz ekin geuntsan lanari Euskal Herri osoan egiten dabi- zan ingurumenaren suntsiketeari aurre egiteko. Jardunaldi honeek mugarri izan dira, aldarrikapenak kolektibizau egin dira, makroegi- tura guztiak inporta jakuz" azaldu deutsie BEGITURI Makatzak Arra- tiako Ekologistak taldetik.

Igorreko Adierazpena

Jardunaldi horreen ondorioz, Igorreko Adierazpena egin eben. Bertan, garatzen dabizan edo pla- nifikauta dagozan megaproiektuak jasoten dira: Gueñes-Itsaso-Mu- ruarte autopista elektrikoa (250 torre baino gehiago), Espainiako eta Frantziako estadien arteko konexino elektrikoa Bizkaiko Gol- koaren bidez; Beste 3 autobide elektriko barri (2.000 torre baino gehiago); haize-sorkuntzako po- ligonoak; Arabako 10 poligono fotovoltaiako inguru eta Abiadura Handiko Trena, berbarako.

Makatzak taldekoen arabera, "Hedapen hori guztia diskurso faltsuek babesten dabe. Diskurso horreek iturri barriztagarrietara aldaketa teknologikoa egitearen alde egiten dabe soilik, baina ez ditue kontuan hartzean iturri ba- rritzagarrien ezaugarriak, ezta ho- rreek ezartzeak dakarzan eragin izugarriak be". Eta ezarpena anto- latu beharrean, Eusko Jaurlaritzak modu akritikoan babesten dauala dinoe, "Energia Berriztagarrien Lu- rralde Plan Sektorialik (LAP) izan bari- k. Banaketa-sare elektrikoak ez dira lurralde-inpaktuagaz az- tertzen, eta LAPen tresnetan ez da horreen trazadurea jasoten". Gainera, makroproiektuen ingu-



rumen adierazpena ebazten dauan ingurumen organoa proiektu ho- rreek sustatzen dituan sail berean dagoala kritiketari dabe.

Eredu honek, galerak sozia- lizau eta etekinak pribatizetan dituala salatzen dabe eta makro- proiektuek inpaktu latzak dituela. Inpaktu horreen artean, herrita- rren osasunerako mehatxu larria eta bizi-kalidadea eta eragindako personeren ondasunen balioa na- barmen galtzea dagoz. Baita, zor ez-legitimoak sortutea be, eta "zaharkitua eta jasangaitza dala frogatu dan eredu energetiko zentralizau baten aldeko apus- tua" dala dinoe.

Hori dala-ta, Adierazpenean eskatzen da besteak beste, 20/2022 Errege Lege Dekretua- ren 22. eta 23. artikulua geldia- razotea, lege honek parte-hartze publikoa ezabatzen daualako, eta erakunde eta persona interesdu- nei 50 MW-etik gorako proiektu energetikoen espedienteak eze- tuteko aukerea eta alegazioak egin ahal izateko aukerea ken- tzean deustielako. Eusko Jaurla- ritzak eta Nafarroako Gobernuak apustu egiten daben azpiegitura handien eraikuntzan be morato- ria bat ezartzea eskatzen da.

Maiatzaren 20ko mobilizazi- norako deialdi adierazpena

Igorreko adierazpena ekoitzen zan bitartean, eragile gehiago ge- hitu ziran, proposamen barriakaz. Nafarroako alkarte ekologistakaz kontaktua sustatu da eta Iparal-

deagaz be ekintza komunak egin dira. Holan, manifestazino nazi- onala egiteko proposamena sortu zan eta beste adierazpen bat egin eben, mobilizazinoetara deituz.

"Trenbide proiektu eta azpiegi- turak, zentral eolikoak edo foto- voltaikoak eta horreei jagokiezan banaketa lineak, erraustegiak, negutegi industrialak eta anima- liak hazteko ustiapen intentsi- boko fabrikak. Horreek guztiak agertzen dira Euskal Herriko mapan, jada martxan dagozan proiektuak edo laster gauzatze- koak diranak. Proiektu horreek eremu komunalak eta laborantza lur- rak bereganatzen ditue, gure lurraldea agituratzen daben eta bizitzari eusten deustien ekosis- temen desagertzea ekarriz. Ho- nen guztiaren asmo argia ikusten dogu: landa eremua eta bertako bizimodua apurka-apurka dese- gitea, gure mantenuaren oinarri diran komunitate txikiak eta ba- serriak desagertu arazoz". Holan diru publikoa patrika pribadue- tara desbideratzen dala dinoe adierazpenean. "Holantxe xahutu da eta oindino xahutzen dabiz horrenbeste diru AHT-an, erraus- tegietan eta zabortege industria- letan". Administrazinoak, legeria korporazino handi horreen inte- resetara egokitzen dauala dinoe.

Hori dala-ta, natura babestuko dauan politika bat eskatzeko, "per- sonen beharrei erantzungo deusta- na, deszentralizaua eta tokian oinarritutakoa" egingo da manis- festazino Gasteizen hilaren 20an.

ARRATIA, UBIDE, ZEBERIO

BEGITUREN eremuan, EAJ- PNV, EH Bildu eta Ubideko Herri Kandidaturako alkategaiak, 14 gizon eta 6 andrazko dira

Erredakzinoa

Maiatzaren 28an, Foru eta Udal hauteskundeak izango dira. Ho- rrek, herri batzuetan alkateak al- datzea ekarriko dau, partidu horre- tako alkategaia ez dalako aurreko legegintzaldian alkate egon dana, edo agintean dagoan partiduak ez daualako lortu alkatetzea. Alkatea bai ala bai, aldatuko daben herrien artean, Areatza eta Lemoa dagoz. Izan be, Asier Garcia eta Saioa Ele- jabarrieta, oingo alkateak, ez dira maiatzaren 28ko hauteskundera- tako EH Bilduren alkategaiak herri horreetan: Peru Perez de Anuzita da-ta alkategaia Areatzan, eta Eu- kenik Bikarregi, Lemoan.

Amaitezear dagoan legegintzal- di honetan, alkatetzea EAJ-PNVk dauka Artean, Bedian, Diman, Zea- nurin eta Zeberion, eta EH Bilduk, Arantzazun, Areatzan, Igorren eta Lemoan. Ubiden, Ubideko Herri Kandidatureak dauka agintea.

Herri gehienetan, EAJ-PNV eta EH Bilduz aparte, kandidatura gehiago be aurkeztu diran arren, momentu honetan udaletan ordezkaritza dau- kien alderdietako alkategaiak eka- rri doguz hona. Diman eta Artean

herri kandidaturak dagoz udaletan baina hauteskunde honeetarako ez dabe zerrendarik aurkeztu. EAJ- PNVren alkategaiak honeek dira: Arantzazun, Txus Dacosta; Areatzan, Josu Basozabal; Artean, Alberto Intxaurraga; Bedian, Aitor Sorriketa; Diman, Josu Gorospe; Igorren, Olatz Urkiza; Lemoan, Esther Iturrioz; Ubi- den, Amaia Artetxe; Zeanurin, Eider Ajuriagerra eta Zeberion, Karlos Idirin. EH Bildukoak, barriz: Aran- tzazun, Asier Aburto; Areatzan, Peru Perez de Anuzita; Artean, Izaskun Betzuen; Bedian, Alberto Sanchez; Diman, Jose Mari Atutxa; Igorren, Illart Gumuzio; Lemoan, Eukeni Bikarregi; Zeanurin, Nahia Urrutxua eta Zeberion, Ekain Goti. Ubideko Herri Kandidaturako zerrendaburua, Zigor Iturrioz da.

Alkate izateko aukera handie- nak dituen EAJ-PNV, EH Bildu eta Ubideko Herri Kandidatu- rako zerrendaburuak, guztira 14 gizon dira (hiru alderdi honee- tako zerrendaburuaren %70) eta 6 andrazko (%30). EAJ-PNVk, 4 andrazko ipini ditu alkategai, bere zerrendetako %40, eta EH Bilduk 2, bere zerrendetako %22,2. He- rri Kandidaturakoa gizonezkoa da.

ARRATIA

Arratiako Guraso Elkarteen II. Jaia ospatuko dabe Igorren

Erredakzinoa

Maiatzaren 20an, Arratiako esko- la eta institutu guztietako guraso alkarteak Igorren batuko dira jaia alkarregaz egiteko. Kezka eta burrukak antzekoak izanda, jaiak alkar ezetuteko aukerea emoten deutse guraso eta umeei.

Mendi ibilbide bategaz hasiko da eguna. Parte hartu gura da- benak, 11:00etan batuko dira Igorreko Goiko Plazan. 12:30ean, ekitaldia egongo da Goiko Plazan be, 6. mailako bertsolari eta jan- tza garaikideko ikasleakaz. Plaza jantzak be egingo dira Arantzarte jantza taldearen gidaritzapean.

Bazkaria 14:00etan izango da; bakotzak etxetik eroandakoa- gaz alkarregaz bazkalduko dabe

eta Institutuko ikasleek kafe eta postre mahaia ipiniko dabe. Baz- kalostean, 16:00etan, edade guztietako umeentzako jolasak egongo dira. Kultur Etxera, kale- jiran, 17:45ean joango dira eta 18:00etan, Eletrotxarangak ipi- niko dau jai giroa.

Arratiako eskola publikoak

Arratian danak dira herri txikiak eta batzuek ez daukie eskolarik, Arantzazuk, Bediak eta Ubidek, hain zuzen be. Holan, Areatza, Artea, Dima, Igorre, Lemoa, Zea- nuri eta Zeberion dagoz Lehen Hezkuntzako eskolak. Insitutuei jagokienean, Arratia Institutua dago Igorren eta Lemoan JB Eguzkitza Meabe IPlan be egin daiteke DBH.

LEMOA

Merkataritzan euskerea sustatzeko kanpaina abiatu dabe Lemoan



Lemoako 30 denda eta tabernak hartuko dabe parte eta guztira 700 sari baino gehiago bananduko dira. Kanpaina, maiatzaren 21era arte izango da "Lemoan euskaraz eskatu eta saria irabazi" lemapean.

Erredakzinoa

Agurra edo eskaera euskeraz egi- ten dauanari, "hazka eta irabazi" motatako txartel bat emongo deutso dendariak, eta hazkatu ostean ikusiko dau saririk daukan ala ez. "Saria izango baleu, Lemoako beste denda baten trukatu beharko dau txartel saritua. Zorte gitxiago izan ezkerro, saririk bako txartelakaz zozketa baten parte hartzeako aukerea egongo da" azaldu dau Udalak bere web- gunean. Urduñako bainuetxean persona birentzako egonaldi bi zozketatuko dira. Sariai danetarikoak izango dira: egin gura dan erosketea merketu, gosari bat, otordu bat, edo pro- duktu jakin batzuetan deskontuak. Sari horreen zenbatekoaren here- na dendariei eurek ipini dabe, eta gainerakoa Lemoako Udalak.

Bigarren aldia
 Igaz egin zan kanpaina hau lehe-

nengo aldiz eta 22 komertziok hartu eben parte. "Horreetako denda edo taberna batzuk zarratu egin dira, edo jaubez aldatu. Eta ha-ta guzti be, parte hartzaile ko- purua 30 establezimentura igon da. Igaz 500 sari baino gehiago banatu ziran, eta aurten 700etik gora". Aiko hemen izena emon da- ben establezimentuak: Amalur, Amorrortu jatetxea, Arraibigane, Argazki Ilune, Atxeta taberna, Baskcod, Bikandi taberna, Bizka- rra okindegia, Ezkur, Farmazia, Geltokia taberna, Herradura tabe- rna, Intzuntza harategia, Iratxe Ruiz ile-apaindegia, Josier mertzeria, Jubilatuen taberna, Kresala tabe- rna, Laiane ile-apaindegia, Lemoa Doner Kebab, Lemoako Batzokia, Lemoa fruta denda, Lemones taberna, Lezat estetika zentroa, Lur 2000, Luzea ile-apaindegia, Mailuki taberna, Marigorringo, Ortuzar arrandegia, Tresnak eta Tximeleta.

LEMOA

Gazteen emanzipazioaren diagnostikoa egingo dau Lemoako Udalak

Erredakzinoa

Lemoako Udalak gazteek eman- zipetako dituen zailtasunak eta oztopoak ikusita, gazteen eman- zipazino diagnostikoa ipini dau

martxan. Prozesua zemendian amaituko da, eta fase bi izango ditu. Lehenengo fasean, 16 eta 34 urte bitarteko gazteek inkesta bat erantzun behar dabe. Inkestea-

ARRATIA

Amagoia Villanueva: "Herri txikietan, erakundeetan eragiteko gaitasun erreala dauka oinarri feministeak"

Amagoia Villanueva Andueza durangarra da Arratiako Udalen Mankomunitateko (AUM) Bardintasun Teknikari barria, Batirtze Barreroren lekukoa hartu dauana. Villanuevak lanpostu honetan luzaroan egotea espero dauala, eta zerbitzuari egonkortasun bat emon gura deustala azaldu deutso BEGITURI.

Erredakzinoa

Landa eremuak eta herri txikiak maite dituala dino teknikariak eta bere ibilbide profesionalean, 15 urtez, burujaubetza agroekologiko proiektu komunitario baten egin dau behar. Baina "beste autonomo askori gertatu jakon moduan", pan- demia sasoian ezin eutsala eutsi ikusi eban eta holan, bere beste lanbidera bueltau zan, Bardintasun teknikaritzara, hain zuzen be, Gehi- lan 2000 enpresan.

Eta Arratiako Udalen Manko- munitateak Gehilan 2000 en- presea dauka azpikontratauta Bardintasun Zerbitzurako. Bai, Gehilan 2000k hainbat adju- dikazino daukaz. Deitu eusten eta lehenengo espektatibea 10 egune- ko baja bat kubridutea zan; gero sei hilabetekoa eta gero heldu zan pro- posamen hau, Arratiako bailarako zerbitzuari erantzuna emoteko. Niri planteau eustenean lekualdatzea hona, izan zan eskaini eustelako egonkortasun tenporal bat. Printzi- piaz Arratiako Bardintasun Teknika- ria luzarorako izateko esperantzea- gaz nator.

Zer topau dozu hemen? Zer es- pero dozu? Nire lehenengo helburua da herri mailako mobimentu feministearen izakerea ezetu eta ikusi zelango artikulazino maila daukan. Hau bailara bat da eta herri bako- txean dago talderen bat. Mankomuni- dadearen egiturea be ezetu behar dot, zerbitzua bera be bai, dagozan aukerak eta mugak... Helburu na- gusi moduan ildo finko bat sortu

gurako neuke erakunde eta herriar- tasunaren artean. Hori da sumatu dodan lehenengo beharizana. Gero, jakina, egitarauak be bete behar dira, sortu behar dira kanalak, eta eginbehar guztiei behar daben erantzun maila emon behar jakie. Herri mailan, jentea ez dagoala zer- bitzuagaz oso gustura sumatu dot, eta daukan egitura bereziak emo- ten deustaz klabe batzuk horren zergaitia ulertzeko.

Arratiako mobimentu feministea eta bardintasunaren artikulazinoa, nahiko berezia eta nortasun han- dikoa irudituta jata, oso interesgarria. Ni landa eremu eta herri txikien guztiz maitale naz eta gura dot erre- ferente bat sortu daigula, erreala eta iraunkorra, zerbitzu mailan. Iraunko- rra zerbitzuaren aldetik. Zerbitzu ona emotea da inportanteena, lan hori egiten daben personetatik harago.

Erakunde eta herriaren artean alkarlana bultzatu behar dala ikusi dozula dinozu. Bai, hori da. Niretzat, komunikazi- noa egon behar da norabide bie- tan, eta zerbitzuak artikulau behar

dau hori. Erakundeek egitura bat daukie eta legeek marketan dabez egin behar dabezan gauza asko, Bardintasun Planak, berbarako. Bai- na herriak egingo dau plan horreek ez jaustea. Batez be, herri txikietan. Izan be, askotan, erakundeen pla- nak errealdadetik apur bat urrun egoten dira, azpikontratautako zer- bitzuen bitartez egiten dira-ta, eta, orokorrean, ez dabez herrien nor- tasunak ezetuten; planen egiturea, balioak eta abar da ezetuten dabe- na. Eta planok egokitu egin behar dira herri zehatz horren kapazidade eta helburuetara.

Zeintzuk dira zure lehen egite- koak? Menperatzea udalerri mailan dago- zan 7 plan eta diagnosiak; hau da, bako- txa zein maila edo zein pausutan dagoan bameratu, eta erakundeakaz- ko euskari hori sortu. Baina batez be, lortzea Bardintasun Zerbitzua izan daitela, benetan funtsean dana: oi- nari feministeak daukan bitartekaria erakundeetan eragiteko. Ze, uste dot, herri txikietan, erakundeetan eragite- ko gaitasuna erreala dala.



Amagoia Villanueva.

ren helburua, Lemoako gazteek emanzipazioaren eta etxebizitza- ren egoerearen inguruan dituen eretxiak jakitea da eta udalaren webgunean bete daiteke, <https://labur.eus/GazteEmantzipozioa> estekan. Proiektuaren barri emongo dauan gutuna bialduko dau etxeetara Udalak.

Bigarren fasean, inkestearen bitartez identifikautako interes arloak eta beharrak landuko dira. "Horretarako, lan taldeak sortuko dira gai honen inguruan sakon- tze- ko eta, aldi berean, espazio

informalak be sortuko dira gaz- teen artean ohikoak diran hainbat espaziotan, gazteen beharrak identifikau eta proposamenak jaso ahal izateko" azaldu dabe Udaletik.

Diagnostiko hau ez da Lemoako Udal- a gazteen emanzipazioagaz lotuta garatzen dagoan proiektu bakarra. Alokairuagaz lagundute- ko, Udalak gazteei dirulaguntzak be eskaintzen deutsez, eta hila- bete honeetako Elkartrukea dina- mikearen gaia, etxebizitza komu- nitarioak eta kooperatiboak da.



GARTZEN MARTINEZ SAGARNA

**"Argazkien esentzia,
momentua harrapetea da"**

Bagilaren 19ra arte, Gartzen Martinez Sagarna igorreztarraren, *Herri argia - Baserriko lanetik, gaurko kirolaria* argazki erakusketea egongo da ikusgai Igorreko Kultur Etxeko erakusketa gelan.

Erakusketa honetako argazkiak, 2017an hasi zan egiten Martinez herri kirol txapelketetan. Kirolari batzukaz be argazki saioak antolatu ebazan eta 8.000 irudi inguru sortu ditu guztira holan. Horreen arteko 24 aukeratu ditu Igorreko erakusketarako.



Gartzien Martinez.

Erredakzinoa

Argazkilari lanak munduko txoko askotara eroan zaitu...
Bai. Ikasketak egiten be, atzerri-
ra joan behar izan nintzan, eta
beharrean be, beti nabil gora
eta behera. Ogibidez argazkilaria
izanda, lanak leku askotara eroan
nau: Egiptoko jantzari garaikideak
erretratau dodaz, esate baterako,
nire lan personalerako, eta Paris-
go PSG taldeko futbol jokalariek
edo Ingalaterrako F1 lasterketa
gidariak, lan komertzial batzue-
tarako. Suitzako mendietan edo
Gales-eko parke naturaletan be
ibili naz, beti erronkei aurre egi-
ten, pertsonaiak ezetu eta eurekatz
alkarlanean irudiak sortuten ba-
tzuetan, eta logistika eta teknika
inguruan besteetan, sano aberas-
garria dan lan honetan.

**Urrunera joan arren, oingoan hurreko gaia eta hurreko per-
sonaiak dakarzuz erakusketa honetara.**
*Herri argia - Baserriko lanetik,
gaurko kirolaria* erakusketea 5

urtez herri kirolen inguruan egin-
dako lan sakon baten aurkezpena
da. 24 irudi aukeratu dodaz Igo-
rreko Kultur Etxean erakusteko.

Bertoko gehienontzat ezaguna
dan mundu horretako kirolari eta
personaiei argi apur bat ekarri
eta eurak eta ikuslearen artean



Aitzol Atutxa.

zubi bat eregi gura izan dot, bes-
te gauza batzuen artean. Baten
batzuk ezetuko doguz, arratiarrak
dira, baina zenbat dakigu euren
herri kirol jarduera eta lan itzela-
ren gainean? Tradizioan geratu-
ten gara askotan, eta hori ondo
dago, baina handik urrunago
begiratuten be jakin behar da.
Astrid Villanueva Zaldo ikertzaile
eta idazle mexikarrak lagundu
dau erakusketako tesia landuten.
Astrid zinema, argazki eta arte
arloan ibili da lanean mundutik
zehar eta nire lana ikusi ebanean
atoan sartu zan saltsan.

**Kirolarien argazkietarako
zerk erakartzen zaitu? gor-
putzek? mobimentuek? gor-
putzen muga eta potentziek?**
Kirolari, jantzari, musikari... sensi-
bilitate berezia daukien gehie-
nek erakarten nabe, pertonek
eurek, horregaitik erretratuak beti
dagoz presente. Gainera, kirolari
izanda, mobiduteko gaitasun be-
rezia daukie bai, eta orduan mo-
bimentu hori harrapetea gustura
egiten dot, argazkien esentzia da,
momentua harrapetea.

Beste batzuetan, futbolari eza-
gun baten argazkiak egitearen
erronkea da beteten nebana;
ekoizpen lan handia egoten da,
jente asko zuzendu behar da eta
argazkiak egiteko denpora gitxi
dago eta horrezaz gainera, irudi
bereziak sortzea espero izaten da.

**Igorreko erakusketeak ze
lotura dauka zure beste la-
nakaz? Eta ze berezitasun?**
Kirol munduan lan asko egin-
dakoa naz eta ni hasi nazan
herriko kultura eta gizartearen
parte dira herri kirolak, loturea
nahiko argi dago. Berezitasuna,
irudietako pertsonaiak eta jardue-
rak eurak dira eta zelan jarduera
honeek baserri eta etxeetako
zereginak ziran/diran; hau da,
zelan behar horreek, apustu eta
desafioak bitarte, kirol bihurtu eta
mantenidu diran. Hori beste kiro-
letan ez da gertatzen.

Argazkietako kirolariak danak
dira apartekoak baina erakus-
ketan agertzen diran pertsonaia
asko Arratia inguruko ezagunak
dira: Aitzol Atutxa, Irati Astondoa,
honen aita "Pabi" Astondoa, Tubi
Bustintza, Jon Loiola...

**Egongo da horreen artean,
zuretzat esangura berezia
daukan argazkiren bat, ezta?**
Ezta erraza bat aukeratutea...
Karmele Gisasola agertzen dan
bat izan ahal da, zuri-baltzean
dagoan argazki bakarrenetakoa.
Sano eskuzabalik hartu ninduen
berak eta "Zelai" bere aitak eu-
ren etxean, harri eta tresna piloa
prest, nik argazkiak egiteko...
Etxerako bueltan be marmolezko
loreontzi bat eta euren oiloen
arrautzakaz etorri nintzan, esker
onez beterik.

Pabi Astondoaren argazkia
be beste bat izan ahal da; hain
gaztea ez dan eta agertzen dan
kirolari bakarra da-ta (sasoirik ez
dau falta, halanda be). Beragaz
batera Zaldibiraino joan eta ia
egun osoa emon genduan se-
galari txapelketan. Handik urten
ebana argazkirik onenetakoa da.

Erretratuak dira esanguratsue-
 nak?

Egia esan kirola bera ez da buruan daukadan ardurea, au- rrean daukadan personea da balioa daukana. Persona ho- rren mamia, eta zergaitik egiten dauan egiten dauana. Horregaitik kirola egiten, jantzan zein beste edozein jardueran argazkiak egin arren, beti aterako dot persona horreen erretratua.

Zer da argazkilaritza zure-
 tzat? Ogibidea izateaz aparte,
 artea be bada. Zer suposa-
 tzen dau honek?

Argazkilaritza batzuetan artea izan ahal da, beste batzuetan erregistro hutsa. Eta beste gauza asko. Inoz amaituko ez dan deba- tea dago hor.

Ni ez naz guztiz trebea jen- teagaz hartu-emonetan, eta ka- mareak aukerea emoten deusta personakana gerturatu eta alka- rregaz gauzak sortzeako. Hori da niretzat argazkilaritza: atxaki bat. Zeozelan binkulo bat emoten da eta momentu intimoak be sortzean dira. Horrek emoten deusta bi- zia. Adibidez, Karmele Gisasola harrijasotzailearen argazkia ikus-

ten badozu, harrizko bola handia lepo gainean, begiak itxita dauka- zala konturatuko zara, imintzino lasai eta barea dauka. Hori ez da kristoren indarra egiten dabi- len persona baten arpegikunea, baina batzuetan momentutxo bereziak emoten dira eta horreei adi egoten naz.

Gaur egun danok daroagu
 kamara bat aldean eta jentea
 parau barik ibilten da argaz-
 kiak ateraten. Ze eragin izan
 dau horrek argazkilari profe-
 sionaletan?

Hainbeste eta hainbeste irudi sortuteak, eta batez be sare so- zialetan egiten dan erabilereak kultura bisuala aldatu egin dau. Oin irudiak sortu eta konsumi- duten diran modua guztiz des- bardina da. Agentzia, marka edo produktoreek eskatzen dabezan irudi motak be desbardinak dira horren ondorioz.



Karmele Gisasola.

HERRI ARGIA
 Baserriko lanetik, gaurko kirolaria

2017 urte amaieran lanbidez argazkilaria dan Gartzten Martinez Sa- garna, kirol irudietan trebaturik, sokatira, harri jasote, lasto botate, txinga-eroate, sega, aizkora... txapelketetan irudiak egin eta jasoten hasi zan. Aldi berean, herri kirolen diziplina desbardineta kirolari batzuek argazki saioak antolatu ebazan. 8.000 irudi inguru sortu ditu guztira 5 urtean zehar, Bizkaian gehien bat.

Erakusketa honetan agertzen diran argazkiak bi arloen adierazgarri dira. Alde batetik, landa, plaza, frontoi eta probalekuetan egiten diran txapelketa eta probak dokumentetan dituen irudiak dagoz; han Gartzten, kamera eskuan, kontuz eta isilean kirolarien inguruan mobidu zan. Beste alde batetik kirol diziplinak irudikatu eta islatzen dituen argazki saioak dagoz: azkoran, harri jasoten eta giza-probe- tan beste batzuen artean; hemen zerrek, sokek, azkorek, harriek... funzino estetikoa hartzean dabe. Herri kiroletako diziplinak doku- mentau eta praktika islatzen daben irudien artean desbardintas- nak egon arren, badago harremanik euren artean: biek erakusten dabe non sortzean dan kirolariak hasi eta bere tresnak jarraitzen dauan monimentuaren ibilbidea.

Bere egunean, tresna eta erreminta horreek baserriko lanetan erabili ziran, orduan, euskaldunek euren funtsezko ondasun materialen zati garrantzitsu bat ekoizten eben baserrian. Seguruenik, lehiaketak eta erronka horreek etxe eta auzoaren mantenurako jarduerak hobetze- ko modu bat izan ziran eta baita lan merkaturako erakusleio be: herrietako plazetan langile eta baserritarren indarra eta gaitasunak neurtuko ziran. Txapelketa, apustu eta desafioek –gizonek eginda gehienbat– trebetasun handiagoa erakusten ebenen ospea eta mi- resmena lortuko eben.

Beharbada, baserriko bizitzak ondasunen ekoizpen-sistema nagusi izateari itxi eutsanean, lehiaketetako ateak zabaldu jakiezan kirolari barrei. Euskal Herri garaikidean andrak dagoz, eta baita munduko beste alderdi batzuetan jaiotako personak be.

Gaur egun, herri kiroletan erabiltzen diran tresnek, presentzia galdu dauan sasoi bateko bizimodu bategaz lotzean ditu kirolari honeek. Ha-ta guzti be, azkora, zerra, txinga, sega eta fardoan mobimen- tuek aurrera jarraitzen dabe.

Giza eta erreminta mobimentu hori ageri da *Herri argian*. Argaz- kietatik, gorputzaren oreka, tresnen posizioak, altxatzeko eta ebagiteko erritmoak nabarmentzen dira. Era berean, irudi honeek zubi bat eregiten dabe iraganaren eta gaurko munduaren artean. Lehen tresnak, funtsezko ondasunak sortzeako erabili ziran, gaur egun erreminta honeek kirol elementu bilakatzen dira. Irudikatzen daben mobimentua bera dira, beste barik; gorputzen eta honeek daren tresnen desplazamentuaren lortatza.

Astrid Villanueva Zaldo

Aurrera, batera!
 Bizkaia

BIZKAIA
 Elixabete Etxanobe Landajuela

AREATZA
 Josu Basozabal Zamakona

IGORRE
 Olatz Urkiza Atutxa

ARTEA
 Alberto Intxaurrago Goti

LEMOA
 Esther Iturrioz Rementeria

BEDIA
 Aitor Sorriketa Larrea

ZEANURI
 Eider Ajuriajerro Arana

DIMA
 Josu Goraspe Lapatza

ZEBERIO
 Karlos Idirin Gorrotxategi

***Hiru antzezlan izango ditu ardatz VIII.
Jentilak Diman ikuskizunak***

Erredakzioa

Hiru antzezlanek, ume eta nagusien jantzek, musikeak, koruak eta bideoek, besteak beste, osotuten dabe *Jentilak Diman* ikuskizuna. Jente-aurrean zein agerlekuaren atzekaldean, ehun bat herritarrek hartuko dabe parte diziplina artistiko desbardinetan, arbasoen mundu ikuskerea birsortzeko iaian.

Gotzon Aurrekoetxea, Ibon Izak eta Rafa Ugalde sortu ditue antzezlanok. "Herriko egi-leen sorkuntza izatea gura dogu. Herrikoek sortua, herriarentzat" azaldu deutso BEGURI Gotzon Aurrekoetxea Txumuluxuetakoak. Mitologian oinarrituta dagoz bai-na oin sortutakoak dira kontakizunak. "Idea da tradizio kulturala

birsortzea aldiro, ze guk ez dogu ulertuten tradizioa ezin modidu daiteken gauza baten moduan. Eguneroko sortu behar da eta egokitu gaur egungo baloreetara. Horregaitik, ondo ikusten dogu ipuin mitologiko barriak sortzea eta gero antzeztea" dino Aurrekoetxeak. Baita personaia mitologikoak. Izan be, tradizioa formatzen dogun baktxean, gure ideakaz buztartu eta birsortzen dogu. "Ez da sasoi haretan sortu zana, joan behar gara aldatuten eta hori da hemen egiten doguna" dino irakasleak.

Lehenengo antzelana, Gotzon Aurrekoetxearen *Basajaun eta Basandere* izango da. Basajaun eta Basandereren gainean dagozan ipuin mitologikoetan oinarritu

da filologoa. Bigarrena, Ibon Izarena da "amama baten istorioa. Amama narratzaile moduan, belaunaldi gazteari kulturearen transmisore egiten dau". Hirugarrena egiteko barriz, Rafa Ugaldek

bere narrazino bat antzerki bihurtu dau. Antzezlan honetan, Lei eta Edurren burrukak kontetan dira, neguari gorazarre eginaz eta pertsonaia mitologiko barriak sortuz.

Sortu zaneke filosofiari eutsiz



ikusizun herriko eta multidiziplinarra da aurtan be *Jentilak Di-man*. Diziplina artistiko ugari jasoten ditu, dimoztarrek eurek sortu eta publiko aurrean egindakoak. Holan, berbarako, antzezlanetan, herritarrek egindako bideoak proiektauko dira eta hasikeratik egin dauan moduan, Zamakolako alkarteko abesbatzak be ernonaldia eskainiko dau. Jantzeari jagokonean, herriko 8 jantzari inguruk, musika tradizional eta gaur egungoaren arteko fusino bategaz egingo dabe jantzan.

luskizunean parte hartzean daben askok urteak daroez izaki mitologiko jantzita, antzerkia egiten, kantuan edo jantzan. Edo beste moduren baten parte hartzean eta gehienek behin baino gehiagotan hartu dabe parte inplikazio maila handia eskatzen dauan mitologiaren gaineko jai herritar honetan, astean-asteen, bospasei hilabete lehenago hasita, ensaioak egiten.

Errifea

Ikuskizuna ikusteko, ez da izenik emon edo sarrerarik erosi behar. Antolatzaileen arabera, beti arrakastatsua izan arren, oin arte beti egon dalako lekua. Dana dala, eta gastuak kubriduten lagunduteko, errifa bat egongo da. Pelotaleku inguruan salduko dira zozketarako txartelak, gura dauanak erosi eta lagundu dagian. *Jentilak Diman* Txumuluxueta alkartearen Udalaren arteko koproduzinoa da. Udala da laguntzaile nagusia eta herriko beste eragile batzuek ere lagunduten dabe.

Jentilak Diman 2014tik

Jentilak Diman euskal mitologiari buruzko ezagutza handitu eta gaia sozializetako Txumuluxueta alkar-teak aurrera daroan ekimena da. Ekimen hau mitologiaren gaineko ikuskizun desbardinakaz osotuten da: ipuin mitologikoen antzezpe-nak, mendi ibilbide mitologikoak Baltzolako Jentilzubi eta koben inguruan, herri girotze ekintzak eta abar... Txumuluxueta alkar-teak ekimen hau 2014an hasi eban eta urtero-urtero antolatzen dau ikuskizun bat edo beste.

Txumuluxueta Kultur eta Kirol Elkartea herrian euskal kultura (mitologia, memoria historikoa, antropologia, kirola...) bultzatu eta indartzeko helburuagaz sortu zan 1995ean.



AREATZA MUSIK & BEER

MUSIKA & GARABARDU FESTA INTERNAZIONALE - INTERNATIONAL MUSIC & BEER FESTIVAL

2023 · AREATZA · EKAINAK 2 ETA 3 JUNE · BIZKAIA

ARRASTIAN 19:00ETATIK AURRERA - AFTERNOON AT 19:00

2 OSTIRALA FRIDAY

- + EDGAR BLUES TRIO (KATALUNIA)
- + LA PERRA BLANCO (ANDALUZIA)
- + HENRIK FREISCHLADER (ALEMANIA)
- + ERIC STECKEL (USA)

GOIZEAN HASITA 12:00-18:00

3 LARUNBATA SATURDAY

JATEKOA ETA EDATEKOA - FOOD AND DRINKS

- BANDO LA BRASA
- MAFALDO
- KAITXO TXOKOLATEAK
- CRISLA SWEETS
- AMA TXO GAZTA
- TXP TXOMIN PARRILLA

- + BOB WAYNE & THE OUTLAW CARNIES (USA)
- + JAMES ROOM (EH)
- + BASEMENT SAINTS (SUITZA)

ARRASTIAN 18:00ETATIK AURRERA - AFTERNOON AT 18:00

3 LARUNBATA SATURDAY

- + LOS RETROS (EH)
- + ATRACO (MADRIL)
- + KOMODOR (BREITANIA)
- + BASEMENT SAINTS (SUITZA)
- + KORITNI (AUSTRALIA)
- + DJ ALAI

CRAFT BEER
GOOD MUSIC
FOODTRUCKS
MARIDAJEA
KUPEL JAURTIKETA

f i y



+MORE INFO+



Maite duzun Bizkaia

Jendarte gisa
aurrera egin
dezagun.

*Kalitatezko zerbitzu
publikoak herritar
guztientzat.*

Bozkatu

ehbildu



IPINI ZURE IRAGARKIA BEGITUN

Informazinoa: **649 979 115**
eta inigoirua@begitu.eus



KRISTONAK

“AHOBEtEHORTZ” biniloa!!!

KRISTONAK
AHOBEtEHORTZ

elkar
www.elkarargitaletxea.eus
(+34) 618 94 79 54



Arratiako Musika Eskola

IKASLE BERRIEN MATRIKULAZIOA

4 URTETIK AURRERA ETA ADIN MUGARIK GABE

*** INFORMAZIOA:**

- Web gunean
- Astelehenetik ostiralera
10:00etatik - 13:00 arte
- Telefonoa: 94 631 73 52

MATRIKULA
Epea: maiatzean



- Matrikulazioa ONLINE:
www.arratiakomusikaeskola.eu



**BAIETZ
30 LAGUN
BARRI EGIN!**

2023AN EGIN ZAITEZ BEGITU-LAGUN! BEGITU-LAGUN EGITEAK SARIA DAUKA!

Begitu aldizkariaren asmoa eten barik hobetzea da, beti be Arratia-Ubide-Zeberio inguruko euskerazko aldizkaria euki daigun. Baina horretarako baliabide ekonomikoak indartu behar doguz, Begitu bere buruaren jaube izan eta etorkizunari bermez eutsi ahal izateko.

Horretarako **2023an egin zaitez Begitu-lagun!** kanpaina abiatu gura dau Begitu aldizkaria argitaratzen dauan Zertu Kultur Elkartea, eta helburua argia da:

Arratia-Ubide-Zeberioko hamabostekari euskalduna babestuko dozu?



*Gainera Begituren produktu honeek helduko jatzuz etxera doban.

Oindino Begitu-laguna ez bazara, eta Arratia-Ubide-Zeberioko hamabostekaria babestu gura badozu, bete egizu beheko formularioa eta bialdu honako helbidera:

Zertu Kultur Elkartea Herriko plaza 24. 48142 Artea.

Izen-abizenak: _____

Helbidea: _____

Telefonoa: _____ Helbide elektronikoa: _____

Kontu korrontearen zenbakia: ES _____

Aukeratu urteko kuotea: ☐ 35€ ☐ 55€ ☐ 75€

begitu.eus



Edo e-mailez, bialdu datuok: begitu@begitu.eus helbidera.

MENDIA

Sei mendi tontor zapalduko dabez Ubidestroi Traileko lasterkariak

Maiatzaren 27an jokatu da Ubiden, Ubidestroi Trail, 2.000 metro desnibeldun eta 28 km-ko mendi lasterketearen bigarren edizinoa.



Igazko edizinoko argazkia.

Erredakzinoa

Ibilbideko punturik altuena, Gorbeia tontorra da (1.482 m), baina beste bost tontorretatik -Harrikurutz (851 m), Oketa (1.018 m), Aldamin (1.373 m), Arralde (945 m) eta Eneabe (782 m)- pasetan da. Hassan Aitchau eta Oihana Azkorbebeitia igazko irabazleak be egotekoak dira. Baita beste mendi lasterkari ezagun batzuk be; Asier Larruzea eta Nuria Dominguez, tartean. Izan be, izen-emotea hilaren 22ra arte zabalik egongo dan arren, antolatzaileek 250 bat lagunek parte hartzea espero dabe.

Aurten gainera, barrikuntza moduan, Ubidestroitxo umeentzako lasterketea prestatu dabe. Arrastiko 17:00etan izango da, Ubideko plazatik hasita eta 1,5 km-ko ibilbidea dauka. Gehienez 100 umek hartu daikie parte. Parte hartzeako, 16:30ak arte emon daiteke izena txosnan eta guraso edo tutorearen baimena behar da. Antolakuntzeak, besteak beste, Arratiako eskoletara bialdu dau informazinoa umeak animau daitezana parte hartzera.

Jai giroa herrian

Lasterkariak gehi eurakaz datozenak, jente asko hurreratuko dala Ubidera egun horretan aurreikusten dabe antolatzaileek. Hori dala-ta, autokarabanentzako aparkalekua prestatu dabe Olalden. Herrian ez da jai giroa faltauko, musikea, jana eta umeak olgetako puzgarriakaz.

Egitaraua
Maiatzak 26, barikua

18:00etatik 19:00etara, dorsal banaketea.
19:00etatik 19:30era, *briefing*-a.
19:30etik 20:30era, Itziar Zabala-
ren gaineko *Amagana* filma.

Maiatzak 27, zapatua

07:30etik 08:45era, dorsal banaketea.
09:00etan, lasterketearen hasiketea.
12:00etan, puzgarriak.
15:00etan, sari banaketea.
16:00etatik, 19:00etara, Orkresta Elektrotxaranga.
17:00etan, Ubidestroitxo umeen lasterketea.
20:00etatik 23:00etara, erromeria Altza Porru taldeagaz.

FUTBOLA

Arratia A taldeak Ohorezko Mailan jokatu dau datorren denporaldian

Maiatzaren 13an, Urbietan Gallarta A taldearen kontra jokatu dau partidua husna bardindu baebe, matematikoki mailaz igotea lortu dau Arratiak.

Erredakzinoa

Jokatutako atzen jardunaldiko aurkariaren emaitzek ligea amaitutako partidua biren faltan mailaz igotea ahalbidetu dabe. "Zorionak familia honetako kide zarien jokalariz guztioi, igoerea guztiona dalako" adierazo eban Pedro Ormazabal Arratia futbol taldeko presidentek sare sozialetan. Arratia lider dago 65 puntugaz. Datorren partidua Apurtuarte taldearen kontra jokatuko dau Urbietan hilaren 20an, arrastiko 15:45ean.

Andrazkoen Arratiako talde biek amaitu dabe ligea

Hilaren 13an jokatu eban andrazkoen Arratia A taldeak Real Sociedad B talde liderraren kontra Zubietan eta ezin izan eben ezer egin arratiarrek, 5-0 amaitu zan partidua. Ligea amaituta, Arratiak harmagarren postuan amaitu dau ligea 38 puntugaz.

Andrazkoen Arratia B taldeak be 13an jokatu eban Ibaiondo Nerbioi Erreka A taldearen kontra etxetik kanpo eta 2-3 irabazi eben arratiarrek, lehen zatia 2-0 galtzean amaitu baebe be. Seigarren postuan amaitu dau denporaldia andrazkoen bigarren

taldeak 43 puntugaz.

Gizonezkoen Arratia B

Hilaren 13an jokatu eban gizonezkoen Arratia B taldeak Amorebieta B taldearen kontra etxetik kanpo eta husna bardindu eban partidua. 32 jardunaldiren ostean Arratia B bederatzigarren postuan dago 43 puntugaz. Datorren partidua Urbietan jokatu dau Ezkurdi A taldearen kontra hilaren 21ean, eguerdiko 13:00etan.

Lemoako Harrobi

Hilaren 14an jokatu eban Lemoako Harrobi taldeak Ezkurdi A taldearen kontra eta 1-0 galdu

eban. 32 jardunaldiren ostean Lemoako Harrobi seigarren postuan dago 55 puntugaz. Datorren partidua Arlonagusian jokatu dau Ugao taldearen kontra hilaren 21ean, arrastiko 17:00etan.

Gazteak be Ohorezko Mailara

Arratiako gizonezkoen Gazteak mailako taldeak be mailaz igotea lortu dau, hilaren 13an jokatu eban denporaldiko atzen partidua Urbietan eta 1-0 irabazi eban talde arratiarrak Galea A taldearen kontra. Ligea amaituta Arratiak 75 puntu lortu ditu eta bigarren postuan gelditu dan Sestao River A taldeari 13 puntu atera deusaz.



Arratia A taldeko jokalariek mailaz igon dabela ospatzen.

MENDIA

Berbaldia, Ingurumen ekintza eta mendi martxea antolatu dauz Ganzabalek

Erredakzinoa

Eskualdeko BBK mendi martxea Lemoako Ganzabal Mendi taldeari antolatzea tokau jako aurtan. Maiatzaren 21ean izango da eta 8,3 km-ko ibilbidea dauka. Bezperan Lemoatxaren inguruak garbitutako deialdia be egin dau Ganzabalek. Aurreko barikuan, hilak 19, izotza, mendiak eta aldaketak klimatikoa gai hartzean dauzan berbaldia egingo dau Jeronimo Lopezek Kotxepin Kultur Etxean.

Domekako martxa herrikoian parte hartu gura dabenek izena emon behar dabe aldezturik www.bmf-fmv.org webgunean. "Aurreikuspen bat egin behar dogu eta zenbat jente datorren jakin behar dogu. Hamaiketako eta partaide guztiek oparia eukiko

dabe. Danontzat egon daiten, jakin behar dogu zenbat egongo diran" azaldu deusie BEGITORI Ganzabalek. Martxea 09:00etan abiatuko da 1936 urteko Guda-



rien Parketik Lemoatxako PR-a (8,3 km) egiteko.

Berbaldia eta inguruen garbiketea

Martxak Lemoatxaren inguruetako balio historiko eta naturalen barri emoteko balioko dau eta beste jarduera bi egongo dira aurretik horretarako.

Barikuan, maiatzak 19, 20:00etan, Jeronimo Lopezek *Hielo, montañas y cambio climático* berbaldia eskainiko dau Kotxepin Kultur Etxean. Hurrengo egunean, hilak 20, martxearen bezperan, Ganzabal Mendi Taldekoek Lemoatxaren inguruko garbiketea antolatu dabe. Parajea garbitzen lagunduten gura dabena 10:00etan daukie batzeako hitzordua Elizondoko eleizan.

UDABARRIA BERTSOTAN

Iñaki Iturriotzek irabazi dau Dimako bertso-saioa

Erredakzinoa

Bizkaiko Bertsolari Txapelketako Udabarria Bertsotan sailkapen faseko saioa jokatu zan maiatzaren 11n Dimako eskolan eta Iñaki Iturriotz igorreztarra izan zan irabazlea, 182 puntu lortuta. Holan, bigarren da A moltsoko sailkapen orokorrean, Aissa Intxautsiren (203,5 puntu) atzetik, beste saio bi falta diranean. Gai-emoile, Arantzazuko Igor Menika ibili zan eta idazkari beharretan, Ariane Elejabarrieta lemoaztarra.

Sano giro arratiarra egon zan Dimako saioan. "Oholtzan giro polita eta konfiantzazkoa sortu genduan sei bertsolari eta gai-emoileen artean eta asko poztu ninduan betiko Dimako bertsozaleak barriro ikusteak, urte batzuen ostean. Eskerrak emon gura deusdaz hurreratu ziralako. Aitatu be gurako neuke bertso eskolako talde gazte barri eta etorkizun handikoa etorri zala, pankarta eta guzti, bere berotasuna eskaintzera. Hemendik atxina, eurena da plazea" azaldu deutso BEGITURI Iñaki Iturriotz bertsolariak.

Bigarren, Aitor Arrutia Azkue-tak egin eban Diman 180'5 puntu lortuta; ostean, Koldo Gezura-ga Seijido 172'5 puntugaz; Ander Sarriugarte Garcia 167'5-egaz,

Iker Garitagoitia Astigarraga 166 puntugaz eta Peio Lago Iturriaga 129'5-egaz geratu ziran.

A moltsuan be dago Udabarria Bertsotan fasean parte hartzean dagoan beste bertsolari arratiarra, Illart Gumuzio Larrazabal, sailkapen orokorreko 11. postuan, 141 puntugaz. Gumuziok, maiatzaren 4an izan eban Urdulizen neurke-tea eta seigarren geratu zan.

Bizkaiko Bertsolari Txapelketea Erdira heldu da Udabarria Bertsotan, Bizkaiko Bertsolari Txapelketako sailkapen fasea. Guztira 8 saio egingo dira eta 48 bertsolari dabiz parte hartzean. Maiatzaren 18an eta 25ean jokatu dira falta diran bina saio (A eta B moltsotakoak). Izan be, bertsolariak moltso bitan dagoz bananduta eta moltsoko puntuazinarik altuena daukiezan bertsolariak eskuratuko dabe udagoienera jokatu dan Bizkaiko Bertsolari Txapelketan parte hartzeako txartela.



ARRATIAKO MUSIKA ESKOLA

Musika Eskolako ikasleak bideoklip bat grabetan dabiz

Erredakzinoa

Arratiako Musika Eskolako eta Elorrioko Musika Eskolako ikasleek Bilboko Balea grabazino estudioan abesti bat grabatu eben apirlean, Igorreko Asier Ercilla soinu teknikariagaz. Estudiara 25 bat ikasle joan ziran grabetan eta bideoklipeko, 13 eta 18 urte bitarteko 40 ikasleak emon dabe izena.

Bideoaren grabazinoa maiatzaren amaieran egingo da Arratiako hainbat lekutan. "Saiatuko gara bailararen aniztasuna islatzen irudiotan eta horregaitik hainbat lokalizazio aukeratu doguz; bai naturakoak baita herrigunekoak be" azaldu deutso BEGITURI Gaizka Peñafiel Arratiako Musika Eskolako irakasleak.

Ikasturte amaierarako prest egongo da bideoklipa. Musika Eskolarean webgunean eta YouTu-

be kanalean ipiniko dabe ikusgai.

Ekoizpena ikasgai Proiektu honen asmoa ikasle gazteei erronka barriak jartzea dala dino Peñafielek. "Entzunaldiak egin doguz urtean zehar eta egingo dira aurrerantzean be, baina garrantzitsu ikusten dogu motibetako tresna eta aukera barriak be eskaintzea Musika Eskolan urte batzuk daroazenei. Musikari askok ez dabe grabazino estudioko esperientzia biziten inoz, eta benetan aparta da han sortzean dana. Presino edo urduritasun puntua egoten da, baina gero emaitza entzutean txundituta geratuten dira danak. Eta bideoklipean adierazkortasuna izango da gehien landu beharko doguna. Bai bideoklipean, eta baita estudioan be, prozesu guztia azalduko jakie ikasleei ulertu dagien zelan egin diran produktzio profesionalak" dino irakasleak.

MUSIK & BEER

Nazinoarteko musikea eta bertako jana nagusi, Areatzako jaialdian

Erredakzinoa

Areatza Musik & Beer jaialdia, bagilaren 2 eta 3an izango da eta nazinoarteko musikearen aireak ekarriko ditu Areatzara gurean egindako garagardao artisauakaz dastatzeko.

Bariku arrastian, 19:00etatik aurrera, Edgar Blues Triok (Katalunia), La Perra Blancok (Andaluzia), Henrik Freischlader-ek (Alemania) eta AEBko Eric Steckel-ek kontzertuak eskainiko dabez. Zapatuan, goizetik hasiko da musikea, Kallartean, erreka ondoko gune barrian, country, blues, rock eta beste musika estilo klasikoek inguruak beteten. Han, Bob Wayne and The Outlaw Carnies AEBko taldeari, James Room bilbotarrari eta Suitzako Basement Saints taldeari entzuteko aukerea egongo da 12:00etatik aurrera. Jan eta edanari jagokonean, Areatzako tabernetako aukereari, *foodtruck* bik; Mafaldo eta Dando la brasa, eta Euskal Herriko 4 ekoizleak eskainitakoa gehituko jako; Balmase-



dako Kaitxo kafe eta txokolateak, Durangoko Crisla Sweets gazi eta gozoak, Ama Txo gazta ekologikoa eta TXP Txomin Parrila. Basqueland Brewing-en Hernaniko garagardao artisauak be ez dira faltauko.

Arrastian, 18:00etatik aurrera, jarraituko dau musika jaialdiak. Orduan, Los Retros (EH), Atraco (Madril), Komodor (Bretainia), Basement Saints (Suitza) eta Koritni (Australia) izango dira agerlekuan, euren soinu podereitsuakaz. Ostean, Galdakaoko dj Alaik luzatuko dau jaia.

MARRAZKETEAK

Areatza marrazteko egun biko jardunaldia antolatu dabe

Erredakzinoa

Maiatzaren 19an, barikua, eta 20an, zapatua, *Urban Sketch* elkarretaratzea egongo da Areatzan. *Urban Sketch* hastapen tailerrak, marrazki poteoak, herria marrazteak, bazkariak eta

kontzertuak osotuten dabe ekimen honen egitaraua.

Urban Sketch hastapen tailerra, Martin Ortega marrazkilariak emongo dau, barikuan 17:00etatik 18:30era, eta 30 euroko prezioa dauka. Izena aldeztu aurretik emon behar da 617 332 691 telefonoan.

ANTZERKIA

Berrehun ume inguruk hartuko dabe parte Arratiako VI. Haur Antzerki Topaketetan

Erredakzinoa

Kurkuluxetan Elkarrekin antolatuta, bagilaren 1, 5, 7 eta 8an egingo dira Arratiako VI. Antzerki topaketak Igorreko Kultur Etxean. Bertan, Areatza, Artea, Igorre eta Lemoako eskolek hartuko dabe parte eta 9 lan taularatuko ditue. Parte hartzaileak 9 eta 12 urte bitartekoak dira. Areatzako eskolako ikasleek, *Oz-eko mago harrigarria* aurkeztuko dabe; Ar-

teakoe, *Txipiroi irla* eta *Kantauriko piratak*; Igorreko eskolakoek barriz, *Edabe magikoa*, *Gaixo tranpatiak* eta *Enperadorearen jantzi berria*, eta Lemoakoek, *Egun bat museoan*, *7 herrialde-tako argi bola* eta *Chic hotela*.

Antolatzaileen arabera, topaketon helburua "euskal giro jator baten murgiltzea, haurrentzako topagune erreferentzial bat bilakatzea eta jarduera honen bidez euskeraz bizitea" da. Ez dagoala

BERTSOLARITZEA

eRRe. Aldarri bat bertsoz egongo da Arantzazun

Erredakzinoa

Bagilaren 1ean, 19:00etan, *eRRe. Aldarri bat bertsoz* ikuskizuna egongo da Arantzazuko Kultur-gunean. Bertsoak, antzerkia, musikea, narrazinoa eta jantzea batzean ditu, bertsolaritza eta bitasunaren gainean hausnartzeko. Haizea Arana, Oihana Arana, Leire Vargas eta Aner Peritz dira ikuskizun honetako bertsolariak.

Dualismoa hizpide hartuta, norbere gorputza eta bertsolaritza zeharkatzen dituen 10 eszena landuten dauz *eRRe*, hortik abiatuta, dualismoetan hausturak proposatuteko. Dramatizautako bertso-papereak, antzerkiak, helduentzako ipuin-kontaketek eta poesiak osotuten dabe kontakizuna.



Ikastaroaren ostean, 19:30ean poteoa egongo da herrian zehar.

Hurrengo egunean, eleizan batuko dira 11:00etan, herria marrazteko interesa daukien artistak, marrazteko ibilbide bat egiteko. Bazkaria, 15:00etan izango da, bakotzak eroaten dauanagaz baina alkarregaz; beti be, Areatza marraztearen esperientzia, berbabide izanda.

Bazkalostean 17:00etan, Sabes muy bien taldearen kontzertuak ipiniko deutso amaierara *Urban Sketch* kedadeari.

lehiaketarik azpimarratzen dabe, "alkar ezagutza, alkarregazko atxikimentua eta lagunak egiteko leku eta giro egoki bat" baino.

Kurkuluxetan alkarrekin, ikasturtean zehar dramatizazio klaseak emoten ditue ikastetxeetan, eta horreekaz baliabideak emon gura deusez umeei, publiko aurrean berba egiteko, lotsea kentzeako, norberaren gorputza ezetuteko eta alkartasuna eta laguntasuna bultzatzeko.

IKUSKIZUNA

La Glo Zirko konpainiak jantza bertikala eta akrobaziak dakarz Igorrera

Erredakzinoa

Maiatzaren 26an, 19:00etan, egongo da La Glo Zirko konpainiaren *Ensueño*, ametsen munduan inspiratutako ikuskizuna Igorreko Goiko Plazako frontoian. *Ensueño* La Glo Zirkoren hirugarren ikuskizuna da, *Sacred* eta *Cabaret* izenekoen ostean. "Lo egiterakoan, gorputza hilda balego bezala geratzen da: ez dau ikusten, ez dau entzuten, ez dau sentiduten, ez dau konzientziarik, ezta perzepzinorik be. Gizakiaren ahalmenak inaktibo bihurtzen dira, baina espirituak bizi eta iraun egiten dau. Oin-dino gehiago, beraren gaitasunak sakonagoak bihurtzen dira, gorago hegan egiten dau, bere adimena handiagoa da. Gure bizitzaren ia heren bat lotan emoten dugu; fisikoki, ezin dogu amestu barik aurrera egin, oinarritzkoa da arnasea hartzea, edatea bezala. Ametsak nora joaten diran, desagertu, airean hegaz edota kolektiboan nahasirik geratu egiten diran jakitea ezinezkoa dogu" dino sinposiak.

Gloria Peon da La Glo Zirko konpainiaren sortzaile eta zuzendaria. Oin dala hamar urte hazi zan espektakulu munduan modu profesionalean, batez be aereotan. Jantzea eta zirkuaren fusinoa egiten dau bere lanetan.



MUSIKEA

Pre-Dimetal Fest izenpean antolatutako kontzertuak hilaren 26an

Erredakzinoa

Maiatzaren 26rako antolatu ditu Dimetaleroak Kultur Elkartek, pre-Dimetal Fest 2023 izenpean, Gasteizko Engandina eta Lautada taldeen kontzertuak. Abaroan izango dira kontzertuok, 22:00etatik aurrera.

Engandina taldeak *Once Created, Once Sold...* hiru kantez osotutako EPa kaleratu eban 2022an. Lauko-teak, post-hardcore musikea egiten dau, "agresibidadea eta emotibidadea nahasten ditu, gitarren konposizino melodikoak ahots lazgarri eta zuzenakaz konbinetan dira, angustia existentziala kanporatuz eta aurkakoa eta ezezaguna dan mundu baten kontra eginaz" dinoe antolatzaileek.

2016an sortutako metal taldea da Lautada. Aurretik, Railgun izeneko taldean egozan Lautadakoak eta abestiak ingelesez kantetan ebezan. Kide batek alde egin ondoren, 2020ko konfinamentuan proiektuari buelta bat emotea ebatzi eben, taldearen izena aldatuz eta musika estiloa, melodiak eta letrak barritzauz. Heavy metal estiloko musikea egiten dabe euskeraz. 2022an atera eben lehenengo diskoa *Lautada* izenekoa.

IKUSKIZUNAK

Umeentzako ikuskizun bi egongo dira oingo hamabostaldian Lemoan

Erredakzinoa

Maiatzaren 26an, 18:30ean, Txintxeta, Klipa eta Txorroskilo pailazoek, 3, 2, 1... *eskolara goaz!* ikuskizuna eskainiko dabe eta 31n, Perli eta Koxkolok *Abentura zirraragarria* izeneko ipuin kontaketea egingo dabe, 18:30ean, Kotxepin Kultur Etxean.

Kurkuluxetan Kultur Elkarteko pailazoak dira Txintxeta, Klipa eta Txorroskilo pailazoak, Zirtada antzerki taldetik sortutako konpainia. 3, 2, 1... *eskolara goaz!* lanean, eskolako lehenengo eguna kontetan deuskue. "Zelangoa izango da euren eskolako lehenengo eguna? Zertan ibiliko dira jolaslekuan? Euren eskola eguntara konbidauko gaitue, musika klasea, gorputz hezkuntza, ha-

maiketako ordua... Zoritxarreko ezusteko azterketa zelan gaindituko dabe?". Olgau eta jantzan eta kantuan egingo dabe pailazoek eta publikoak.

Literaturea abenturak biziteko 4 eta 7 urte bitarteko umeentzako dago gomendatuta *Abentura zirraragarria* ipuin kontaketea baino gehiago dan antzezlan musikatua. Ikuskizun honetan, Perlik eta Koxkolok istorio eta abentura liburuei omenaldia egiten deutsee: Verne, Stevenson, Defoe... "Abenturaz beteriko ipuin musikal dibertigarria, alkar hobeto ezetuten eta gehiago maitatzen ikasteko. Haurren irudimena birtuko dogu eta familia giroan primeran pasauko dogu" dinoe euren webgunean.



DUNBA

Igorreko Azoka solidarioa

Datorren 2023ko maiatzaren 19an (barikuan) arrastiko 16:30etik aurrera, Inazio Zubizarreta Eskolako Hezkuntza Komunitateak (IGE, ikaslegoa eta Hezkuntza Taldea), Azoka solidarioa antolatuko dau eskolako patioan.

Inazio Zubizarretako LH 6. mailako ikasleak

Proiektu hau, batez be aurrerantza atera dabenak Lehen Hezkuntzako 6. mailako ikasleak izan dira. Arrasti horretan, eskolan bertan batu doguzan bigarren eskuko gauzak (liburuak, jolastailuak, osagarriak...) eta gelan, Plastika saioetan, eskuz eginiko gauzak saltzeako egongo dira. Honetaz

aparte, ule-apainketea, atzazalak eta arpegia margozteko aukerea izango dabe txikitxoenek, donazino txiki baten truke.

Meriendetako ordua ailegauko danez, gose diranentzat, geuk eginiko jana (bizkotxoak, tartak, gailetak...) be salduko doguz.

Edizino barri honetan, AMEgaz (Arratiko Merkatarien Elkartea) hartu-emonetan ipini gara eta herriko merkatariei ahal daben neu-

rrian, parte hartzeako eskatu jakie. Bilduko doguzan ondasun guztiak saltzean ipiniko doguz merkadu horretan. Edozein donazino (produktu solte, zerbitzu edo janari/edari-balea) baliogarria izango da arrasti horretan erri-fauko doguzan otzarak beteteko.

Azokan aterako dogun diru guztia, Arratiako Ongi Etorri Errefuxiatuak talderako izango da. Euren proiektuan migratzaile eta gudatik iges egiten daben errufujiaduei laguntzea eskaintzen jakie.

Eskolako Aste Kulturala zala aprobetxauz, maiatzaren 3an Ar-



Maiatzaren 3an egindako berbaldia Inazio Zubizarretan.

tea Sareko Malu eta Zula eta Ongi Etorri Errefuxiatuak taldeko Arantzaga geure eskolara etorri ziran. Bertan azaldu euskuen 3. zikloko ikasleei, geure egunerokotasunetik hur ez dagoan beste errealidadea: gizaki askok guda, gosete eta idea politikoengaitik, euren herrietatik, derriortuta alde egin behar dabela.

Berbaldia amaituteko, hizlariak eukiezan gailetak banatutean, ikusirik danontzat ez egoala, gailetak zatitu ziran eta holan ikusi genduan dagoana banatuten bada, danok daukagula aukerea gaileta zatiak jateko. Demostrazi-no ederra izan zan.

Etorri Azoka solidarioa, mundua hobetzeko aukeratxo bat da eta!



AGENDEA

MAIATZAK 16
ARANTZAZU

17:00etatik 19:00etara, astelehenetik barikura Udal Liburutegia zabalik.

AREATZA

18:00etatik 20:00etara, jubiladuen alkarteak antolatutako Bertiz eta Elizondora urtekerarako izen-emotea jubiladuen lokalean.

Ikasgela zabalik. Aste barruan 08:00retatik 21:00etara eta astegoienetan, 09:00etatik 21:00etara.

Guraso Elkarateak maiatzaren 26an egingo dauan Merkatu Txikian saltzeako objektuak (liburuak, jostailuak, umeentzako gauzak...) bilduko dauz. Eskolako tejobanako txokoan itxi daitezke 09:30etik 09:45era.

Udabarri osoan, Gorbeia parkeko "Bide bazterrak, zelaiak eta basoak zain ditzagun!" baimendutako aparkalekueetatik kanpo ez aparketako konzientziarazino kanpaina.

ARANTZAZU

Ilgoran Arratiako Andren Jabekuntza Eskolak bagilaren 3 eta 10erako antolatutako *¿Qué hacemos con nuestros privilegios?* tailerrarako izen-emotea zabalik Arratiako Udalen Mankomunitatean, 94 631 17 17 eta 688 627 393 telefonoetan edo udalxetean.

BEDIA

16:30etik 19:30era, liburutegia zabalik, astelehenetik barikura.

Ikasgelaren zerbitzua Bete-beteka ikasgelan. Astelehenetik barikura 09:00etatik 16:00etara eta 19:30etik 21:30era; zapatu eta domeketan, 09:00etatik 21:00etara. Izena emoteko eta erreserbea egiteko 16:30etik 19:30era liburutegian. Txartela (giltza) personalizaua egongo da eta liburutegian jasoko da.16:30etik

19:30era, maiatzaren 19ra arte, maiatzaren 27ko Arantzazura Artzain Eskolara familia urtekerako izen-emotea liburutegian.

Maiatzaren 19ra arte, bagilaren 7an izango dan *Irakurketa erreza* berbaldian parte hartzeako izen-emotea liburutegian.

16:30etik 19:30era, hilaren 26ra arte, jaietako paella egunerako izen-emotea liburutegian.

DIMA

Maiatzaren 26ra arte, udaleku irekietan izena emoteko epea kultura.dima@bizkaia.org helbidean 2010-2018 urteetan jaiotakoentzat. 43 euro asteko/umeko; 39 euro asteko/umeko neba-arrebek. 1. txandea garagarriaren 3tik 7ra, bigarren txandea, garagarriaren 10etik 14ra eta garagarriaren 14tik 15era gaupasa Indusin.

16:30etik 19:30era, astelehenetik eguenera, liburutegia zabalik.

IGORRE

Bagilaren 19ra arte, *Herri argia - Baserriko lanetik, gaurko kirolaria* erakusketea Kultur Etxean.

Maiatzaren 29ra arte, Igorreko udaleku irekiak 2023 izena emoteko epea zabalik. Matrikula fitxa Kultur

Etxera eroan behar da.

09:30etik 13:30era eta 16:00etatik 20:30era, astelehenetik barikura liburutegia zabalik. Mailegu zerbitzua, arrastiz astelehenetik eguenera eta goizez barikuetan eta umeen jai eta opor sasoiari.

08:00etatik 22:00etara ikasgela zabalik. Aurretik Kultur Etxera deitu behar da zitea eskatzeko 94 673 62 51 telefonoan.

LEMOA

Hilaren 28ra arte, *Euskal Herriko paisaiak* Eñaut Aiartzaguena Bravoren erakusketea Kotxepin Kultur Etxean.

08:00etatik 21:00etara, astelehenetik domekara Kotxepineko ikasgela zabalik.

16:30etik 19:30era, liburutegia zabalik astelehenetik barikura Kotxepin Kultur Etxean

ZEANURI

2011 eta 2014 bitartean jaiotakoak, bagilaren 21etik 23ra Gorbeiaiko udalekuearako eta 2007 eta 2010 bitartean jaiotakoak garagarriaren 10etik 14rako udalekuearako izen-emotea zabalik bagilaren 1era arte. Izena emoterakoan pagau behar da; lehenengo txandakoek 100 euro; bigarrenekoek 200 euro.

Batxiler eta unibersidadeko ikasleentzat goizeko 08:00retatik gaueko 21:00ak arte zabalik eguneror. DBHko ikasleentzat, astelehenetik eguenera 17:00etatik 19:00etara.

Maiatzaren 25era arte, 27an izango dan Jubiladuen alkarteak antolatutako mendi ibilaldirako izen-emotea.

ZEBERIO

Bagilaren 16ra arte, udalekuearako izena emoteko epea zabalik.

17:00etatik 19:00etara,astelehenetik barikura liburutegia zabalik.

Hilaren 21erako Austarri Mendi Taldeak antolatutako mendi ibilaldietarako izen-emotea austarrimenditaldea@gmail.com helbidean eta 665 735 054 eta 656 415 597 telefonoetan hilaren 18ra arte.

MAIATZAK 17
AREATZA

18:00etatik 20:00etara, jubiladuen



Akuarela tailerra emongo dau Lemoan Eñaut Aiartzaguenak

Maiatzaren 17an, 17:30ean izango da, *Urluma, urmargo* izeneko tailerra, Lemoako Kulturguneko Artegelan. Hilaren 28ra arte, Kotxepin Kultur Etxean ikusgai dagoan *Euskal Herriko paisaiak* erakusketearen egileak, Eñaut Aiartzaguena Bravok berak emongo dau tailerra.

Ordu biko saioa izango da eta 12 urtetik gorakoentzat da. Tailerrarako behar dan materiala irakasleak eroango dau. Izena aldeztu aurretik emon behar da udaleko webgunean, <https://kultura.lemoa.net/sarrerak> estekan.

alkarteak antolatutako Bertiz eta Elizondora urtekerarako izen-emotea jubiladuen lokalean.

MAIATZAK 19
ARANTZAZU

21:30ean, Mercado Negro taldearen kontzertua Herriko Tabernan.

AREATZA

17:00etatik 19:30era, *Urban Sketch* hastapen tailerra Martin Ortegaren eskutik. 30 euro. Izena aldeztu aurretik emon 617 332 691 telefonoan; 19:30ean, marrazki-poteoa herrian zehar.

ARTEA

19:30ean, Iñaki Salvador eta Ainara Ortegaren kontzertua Kultur Etxean.

IGORRE

16:30ean, Azoka solidarioaren eta auzolanaren hasikerea bertsolariakaz. Eskolako patioan.

LEMOA

20:00etan, BBK mendi martxea. Jeronimo Lopezen berbaldia *Hielo, montañas y cambio climático* Kotxepin Kultur Etxean.

MAIATZAK 20
AREATZA

Urban Sketch elkarretaratzea. 11:00etan, eleizan geratu; 11:00etatik 14:00etara, herria marraztu; 15:00etan, jan eta marraztu; 17:00etan, Sabes muy bien taldearen kontzertua.

20:30ean, The Mooners taldearen kontzertua The Quiet Corner tabernan.

ARTEA

21:00etan, El Nido taldearen kontzertua Herriko Bentan.

IGORRE

Arratiako guraso alkarteen topaketak. 11:00etan, Goiko Plazan batu; 12:30ean ekitaldia, 6. mailako bertsolariak, jantza garaikideko ikasleak, plaza jantzak Arantzarteren eskutik, Goiko Plazan; 14:00etan, bazkaria bakotzak bere etxetik ekarritakoa, kafe eta postre mahaia Institutuko ikasleen partetik; 16:00etan, adin guztietako jolasak; 17:45ean, kalejirea Kultur Etxera; 18:00etan, Elektrotxaranga. Egunean zehar argazkiak eta bideoak egingo dira.

LEMOA

10:00etan, BBK mendi martxea, ingurumen jardueria Lemoatxan. Lemoatxaren inguruko garbiketea Elizondoko eleizan.

ZEBERIO

Uriondoko jaiak. 13:00etan, mezea ermitan. Ostean, barauskarria.

MAIATZAK 21
AREATZA

Parketxeak antolatuta, permakulturara hurreratzeko Uparan auzoko Nano baserrira bisitatu. Izena emon *gorbeia.parke.naturala@bizkaia.eus* helbidean edo 94 673 92 79 telefonoan.

IGORRE

17:00etan, zinea, *Oink, oink*; 19:30ean, *Los tres mosqueteros: D'Artagnan* Lasarte Aretoan.

LEMOA

09:00etan, BBK mendi martxea. Martxa herrikoia ibilaldia: PR-BI 56 Lemoatxa 1937 erresistentzia gunea. Aspunta (365 m)-Lemoatxa/Gantzabal (363 m). Gudarien parkean.

ZEBERIO

07:30ean, Austarri Mendi Taldeak antolatutako mendi ibilaldiak. Petroleros (940 m)-Aizkorri (1.523 m)-Aketegi (1.551 m)-Arantzazu (731 m) 13 km edo aukeran: Petroleros-Urbieta-Arantzazu 11 km. Plazan.

MAIATZAK 24
BEDIA

17:30etik 18:30era, 3 eta 11 urte bitartekoentzat Onditz Mendizabalaren Liburu-maleta ibiltaria liburutegian.

MAIATZAK 25
AREATZA

08:30ean, Uparan Areatzako Jubilatu eta Pentsiodunen Elkarateak antolatuta, Bertiz eta Elizondora txangoa.

MAIATZAK 26
AREATZA

17:00etan, Merkatu Txikia eta jaia eskolako patioan. Bigarren eskuko liburuak, jostailuak, umeentzako gauzak... Tailerrak, errifea, limonadea...



DIMA

22:00etan, Pre-Dimetal Fest 2023.

Engandina eta Lautadaren kontzertuak Abaroan.

IGORRE

19:00etan, *Ensueño*, La Glo Zirkoren ikuskizuna Goiko Plazako frontoian.

LEMOA

18:30ean, Txintxeta, Klipa eta Txorroskilo pailazoen *3,2,1... eskolara goaz!* ikuskizuna Kotxepin Kultur Etxean.

UBIDE

18:00etatik 19:00etara, Ubidestroi lasterketarako dorsal banaketea; 19:00etatik 19:30era, *briefinga*; 19:30etik 20:30era, *Amagana* filma.

MAIATZAK 27
AREATZA

Parketxeak antolatuta mendi urtekerea, Saldropo-Zarate Sarriako parketxeagaz alkarlanean. Zailtasuna: ertain-altua. Izena emon *gorbeia.parke.naturala@bizkaia.eus* helbidean edo 94 673 92 79 telefonoan.

Gorbeako Gurutzea Athletic Club Peñaren Asanblada Orokorra eta bazkaria Areatzako Bainuetxean.

DIMA

VIII. Jentilak Diman. 22:00etan, kalejirea izaki mitologikoakaz; 22:30ean ikuskizuna pelotalekuan.

UBIDE

Ubidestroi mendi lasterketea. 07:30etik 08:45era, dorsal banaketea; 09:00etan, lasterketearen hasikerea; 12:00etan, puzgarriak; 15:00etan, sari banaketea; 16:00etatik 19:00etara, Orkresta Elektrotxaranga; 17:00etan, Ubidestroitxo umeen lasterketea; 20:00etatik 23:00etara, erromeria Altxa Porru taldeagaz. Egun osoan zehar, taloak, txosnea, pastelak...

ZEANURI

09:15ean, Gorbeia Jubilatu eta Pentsiodunen alkarteak antolatutako mendi ibilaldia. Landagutxi-Itsuna-Urrekoatxa-San Blas-Makaztui-Soloeta.



MAIATZAK 31
ARTEA

20:00etan, batzarra: Gazte Udalekuak Donostiara. Kultur Etxean.

LEMOA

18:30ean, 4 urtetik gorako umeentzat, Perli eta Koxkoloren *Abentura zirraragarria* ipuin kontaketea Kotxepin Kultur Etxean.



KOMIKIA

Iman Olatu



IRAGARKI LABURRAK

DANERIK GARAJEA ALOKATZEN DOT
Garajea alokatzen da Igorreko Elexalde kaleko 56 zenbakian. Eleiza aurrean. Telefonoa: 94 631 60 22.

MOBIKORTASUN MURRIZTUA DABENENTZAT MOTORRA SALGAI
Mobikortasun murriztua edo desgaitasuna dabenentzako motorra. Libercar Urban Scooter elektrikoa. Bateria barria 2022an ipinita. Ez da erabiltzen 2022ko bagilatik. Interesdunek deitu 676 936 010 telefonora.

TXAKURRAK OPARITUTEN DODAZ
Ama mastina da eta aita border collie-a. Lau hilebete daukiez. Interesdunek deitu 657 724 435 telefonora.

LONJEA ALOKATZEN DOT
Igorreko Olabarri auzoan dagoan lonja bat alokatzen dot kontratupean. Informazioa, 647 239 449 telefonora.

BULEGOA ALOKATZEN DOT
Arrigorriagako erdigunean, horniduta eta lan egiteko prest dagoan bulegoa (45 m²) alokairuan. Kudeaketa, aholkularitza, aseguruak, eta abarrentzako aproposa. Prezioa: 450 euro. Telefonoa 665 709 651.

SALTZEAN DOT
Dimyos markako bizikleta eliptikoa eta animaliek alde ez egiteko hezi elektriko

ikusezina, transmisorea eta lepokoa saltzean dodaz. Interesdunek deitu: 661 273 192 telefonora.

LANA GITARRA KLASIAK EMOTEN DODAZ
Hari's Rosk School. Gitarra klase personalizatuak emoten dodaz adin guztietarako. Igorreko Kiñu Gaztetxean. Interesdunek deitu 664 303 528.

PSIKOLOGIA ZENTROA ESKUALDATZEN DA
Igorreko San Juan auzunean, baimen guztiakaz eta jardun betean. Interesdunek deitu 600 634 272 (Sagrario) telefonora.

TABERNARI BILA
Axular Herriko Taberna lan egiteko tabernari euskaldun bat behar da. Interesdunek tabernari galdetu edo axularke@gmail.com helbidera idatzi.

Zeozter saldu, erosi, alokatu, trukea egin, behar edo behargin bila bazagoz, bidali asko jota 25 berbako mezu bat begitu@begitu.eus helbidera. Mezuak doban dira.

Begitu-lagunen txokoa



Zenbaki honetako saridunak:

1 Lemoako Kotxepin Kultur Etxeak emondako bina sarrera 3, 2, 1... eskolara goaz! ikuskizunerako.

2 2022ko Areatza Musik & Beer jaialdiko kamiseta bana.

Idoia Legarreta (Igorre)
Iñigo Karide (Artea)

Idoia Alonso (Arantzazu)
Itziar de Casi (Areatza)



Zerturen argitalpenak jasoko dozuz, zozketetan sartuko zara. BEGITUK 21 urte eta ehundaka lagun.

94 673 90 13/649 979 115 | www.begitu.eus | begitu@begitu.eus



CAMPUS ZULAIBAR

ZULAIBAR AUZOA - ZEANURI



Etorkizuneko berrak!